

永順縣志

第八册

共捌册

向子祺訂

卷之三

卷之三

卷之三



永順縣志卷三十三

縣人 文 琴 張 孔

修館

用編

纂

藝文二

○○金石上

五代晉

溪州銅柱 在縣東南百四十里下榔保與沅陵縣會溪坪對岸係晉天福中楚王馬希

範與溪州刺史彭士愁分界處其柱八面稍圓中空相傳內實鉅錢上覆銅頂前清

中葉有盜其頂者運至江心舟覆頂沉土人以飴粘錢殆盡光緒中知府張曾敷作

亭以庇之案自天福五年庚子至今民國十二年癸亥共九百八十有四年其柱猶

巋然在望字迹分明洵古物也茲將記文誓詞暨前後空處銜名列前至建立之由

來雕鐫之形勢文辭之考訂拓本之流傳並著于後篇

復溪州銅柱記



天策上將軍江南諸道都統楚王希範

天策府學士江南諸道都統掌書記通議大夫檢校尚書左僕射兼御史大夫上柱國  
賜紫金魚袋李弘皋撰

粵以天福五年歲在庚子夏五月楚王召天策府學士李弘皋謂曰我烈祖昭靈王漢建  
武十八年平徵側於龍編樹銅柱於象浦其銘曰金人汗出鐵馬蹄堅子孫相連九九百  
年是知吾祖宗之慶胤緒繇遠則九九百年之運昌於南夏者乎今五溪初寧羣師內附  
古者天子銘德諸侯計功大夫稱伐必有刊勒垂諸簡編將立標題式昭恩信敢繼前烈  
爲吾紀焉弘皋承教濡毫載敘厥事蓋聞牂牁接境盤瓠遺風因六子以分居入五溪而  
聚族上古以之要服中古漸尔羈縻洎師号精天相名映氏漢則宋均置吏稍靜溪山唐  
則楊思興師遂開辰錦邇來豪右時恣陸梁去就在心否臧由己溪州彭士愁世傳郡印  
家總州兵布惠立威識恩知勸故能歷三四代長千萬夫非德教之所加豈簡書而可畏  
亦無辜於大國亦不虐於小民多自生知因而善處無何忽乘間隙俄至動搖我王每示

含宏嘗加姑息漸爲邊患深入郊圻剽掠乘侵暴辰禮壇吏告逼郡人失寧非萌作孽之心偶昧戢兵之法焉知縱火果至自焚時晉天子肇造丕基倚注雄德以文皇帝之徽號繼武穆王之令謨冊命我王開天策府天人降止備物在庭方振聲明又當昭泰眷言僻陋可俟綏懷而邊鄙上言各請効命王乃以靜江軍指揮使劉勅率諸部將付以偏師鉦鼓之聲震動谿谷彼乃弃州保嶮結寨滯高唯有鳥飛謂無人到而劉勅虔遵廟筭密運神機跨壑披崖臨危下瞰梯衝既合水泉無汲引之門樵採莫通糧糗乏轉輸之路固甘衿甲豈暇投戈彭師杲爲父輸誠束身納款我王愍其通變爰降招攜崇侯感德以歸周孟獲畏威而事蜀王曰古者叛而伐之服而柔之不糞其財不貪其土前王典故後代著龜吾伐叛懷柔敢無師古糞財貪地實所不爲乃依前奏授彭士愁溪州刺史就加檢校太保諸子將吏咸復職員錫賚有差俾安其土仍頒廩粟大賑貧民乃遷州城下於平岸溪之將佐銜恩向化請立柱以誓焉於戲王者之師貴謀賤戰兵不染鏑士無告勞肅清五溪震讐百越底平壇理保乂邦家尔宜無擾耕桑無焚廬舍無害樵牧無阻川塗勿

於激瀨飛湍勿恃懸崖絕壁荷君親之厚施我不徵求感天地之至仁爾懷寧撫苟違誠  
誓是味神祇垂于子孫庇爾族類鐵碑可立敢忘賢哲之踪銅柱堪銘願奉祖宗之德  
卓仰遵王命謹作頌焉其詞曰

昭靈鑄柱垂英烈

手執干戈征百越

我王鑄柱庇羣黎

指畫風雷開五溪

五溪之峻不足恃

我旅爭登若平地

五溪之衆不足憑

我師輕躡如春冰

溪人畏威仍感惠

納質歸明求立誓

誓山川兮告鬼神

保子孫兮萬千春

推誠奉節弘義功臣天策府都尉武安軍節度副使判內外諸司事永州團練使光祿大  
夫檢校太傅使持節永州諸軍事行永州刺史兼御史大夫上柱國扶風縣開國侯食邑  
一千戶馬希廣奉教監臨鑄造

天福五年正月十九日溪州刺史彭士愁與五姓歸明具件狀歛血求誓楚王略其詞鑄  
於柱之一隅



右具狀溪州靜邊都自古以來代無違背天福四年九月蒙王庭發軍收討不順之人當都願將本管諸團百姓軍人及父祖本分田塲土產歸明王化當州大鄉三亭兩縣苦無稅課歸順之後請祇依舊額供輸不許管界團保軍人百姓亂入諸州四界劫掠該盜逃走人戶凡是王庭差綱收買溪貨並都幕採伐土產不許輒有庇占其五姓主首州縣職掌有罪本都申上科懲如別無罪名請不降官軍攻討若有違誓約甘請准前差發大軍誅伐一心歸順王化永事明庭上對三十三天明神下將宣祇爲證者王曰尔能恭順我無科徭本州賦租自爲供贍本都兵士亦不抽差永無金革之虞克保耕桑之業皇天后土山川鬼神吾之推誠可以玄鑒

靜邊都指揮使金紫光祿大夫檢校太保使持節溪州諸軍事守溪州刺史兼御史大夫上柱國隴西縣開國男食邑三百戶彭士愁

武安軍節度左押衙開州都指揮使知使防遏營金紫光祿大夫檢校司徒前溪州諸軍事守溪州刺史兼御史大夫上柱國彭允瑠

武安軍節度左押衙充靜毅都指揮使金紫光祿大夫檢校司徒前溪州諸軍事守溪州  
刺史兼御史大夫上柱國田弘祐

武安軍節度左押衙金紫光祿大夫檢校司徒前溪州諸軍事守溪州刺史兼御史大夫

上柱國彭師佐

武安軍節度左押衙金紫光祿大夫檢校司徒前溪州諸軍事守溪州刺史兼御史大夫

上柱國田倬暉

通志薦舉篇  
誤作田宏暉

武安軍節度左押衙充砂井鎮遏使銀青光祿大夫檢校尚書左僕射兼御史大夫上柱

國彭師糖

永順司宗譜作師糖清王昶金  
石萃編作師糖府志作師糖

武安軍節度左押衙前砂井鎮遏使三井都管使銀青光祿大夫檢校尚書左僕射兼御

史大夫上柱國龔朗芝

金石萃編誤  
作龔明芝

武安軍節度左押衙充溪州副使銀青光祿大夫檢校尚書右僕射守溪州三亭縣令兼

御史大夫上柱國彭師俗

據譜應作師俗  
通志誤作師谷

武安軍節度左押衙充金澗里指揮使銀青光祿大夫檢校尚書左僕射兼御史大夫上柱國覃彥勝

武安軍節度左押衙銀青光祿大夫檢校尚書左僕射兼御史大夫上柱國田弘贇

武安軍節度左押衙左義勝第三都都將銀青光祿大夫檢校刑部尚書前守富州別駕

兼御史大夫上柱國彭師杲

府志少  
一都字

武安軍節度討擊副使左歸義第三都都將銀青光祿大夫檢校左散騎常侍兼御史大

夫上柱國彭師晃

府志少  
一都字

武安軍節度衙前兵馬使前溪州左廂都押衙銀青光祿大夫檢校太子賓客兼御史大

夫上柱國向宗彥

武安軍節度同十將前溪州左廂都虞候銀青光祿大夫檢校太子賓客兼監察御史上

柱國龔貴

前溪州大鄉縣令將仕郎試大理評事兼監察御史賜緋魚袋彭允臻

武安軍同節度副使攝溪州司馬銀青光祿大夫檢校左散騎常侍兼御史大夫上柱國  
覃彥仙

武安軍同節度副使前攝大鄉縣令銀青光祿大夫檢校左散騎常侍兼御史大夫上柱  
國覃彥富

武安軍節度攝押衙充靜寢都副兵馬使銀青光祿大夫檢校右散常侍兼御史大夫上  
柱國田思道

武安軍節度副將充溪州知後官銀青光祿大夫檢校國子祭酒兼御史大夫上柱國朱  
彥鵬

通志作彥鵬清瞿中容  
金石文編又誤作彥鵬

大晉天福五年歲次庚子七月甲子朔十八日辛巳鑄八月甲午朔九月壬寅鑄十二月  
壬辰朔二十日辛亥立

維天禧元年十一月十五日移到至十六日豎立記

案以上二十字鑄于目下係宋人所題又空處銜名洎論銅柱高重之數均非當時



原刻故低一格書之

金紫光祿大夫檢校兵部尚書使持節溪州諸軍事溪州刺史兼御史大夫上柱國長

沙縣開國伯食邑九伯戶五溪都團練使彭儒 口通志薦舉篇誤作彭德而縣志直作彭德

案此條係列在第二行楚王銜下疑是書人姓名但先儒以其字迹不類斷為宋人

羸入故仍低一格書之下仿此

銀青光祿大夫檢校國子祭酒知澗州軍州事兼監察御史武騎尉彭 口口 此條在第六行記文

下

知夔州軍州事彭君庸

知忠彭州軍州事彭文綰

知南州軍州事彭光明 以上三條在第四五行知澗州銜名下

知州彭文儻

團練彭如遷

前三亭縣令彭如喜

三亭縣令彭文雅

都監彭文威

溪州都監彭如興

溶州都監彭仕明

以上在第十  
一行記文下

統軍使彭如武

都揮指使

宣作都指揮使金石萃  
編云當是鑄造時錯誤彭文仙

知萬州軍州事田彥存

高州巡檢使彭如聰

以上在第十  
三行記文下

巡檢使彭如品

此條在第十  
五行記文下

十洞彭如意

統軍使彭仕進

排軍指揮使陳文綰

巡檢朱繼顯

教練使屈思

以上在第七行記文下十

靜邊都指揮使欵文勝

此條在第九行記文下十

溪州軍事推官辛

白

此條在第二十行記文下○通志白作口

湘州羅文瞻

史軍羅万能

此二條在二十一行記文下

巡檢羅万貴

此條在二十二行記文下

錄事參軍寥保訥

水南都指揮使羅文彥

金唐縣田成益

教練使欵進

溪州知州彭君善

鈐轄覃万富

通志作  
萬富

五都彭如亮

以上在二十  
三行記文下

五溪巡檢使知向化州彭

□會

通志薦舉篇  
直作彭如會

知保靜州軍州事彭光陵

知來化州軍州事彭允會

知感化州軍州事覃文綰

以上在二十  
六行誓詞下

團練向行仙

古州覃万貴

以上在二十  
七行誓詞下

五溪都招安巡檢使田思滿

左衙龔貴朋

知永州軍州事彭君昌

以上在二十  
八行誓詞下



溪洞巡檢使知武寧州軍州事彭□□

知富州軍州事覃文勇

知謂州軍州事覃允贊

知州朱進通

知州苻彥貴

鈐轄彭如權

鈐轄覃文息

以上在二十九行警詞下○金石萃編通志均作覃文見

知州田彥勝

通判田彥強

施州田思趙

施酉知州彭允強

以上在三十三行警詞下○金石萃編誤作彭允師

銅柱高壹丈貳尺內八地陸尺重伍仟斤并石蓮花臺下有石頰

此條在四十一行下半截

以上爲記文誓詞暨前後空處銜名皆柱上所刻者

宋辭居正舊五代史馬希範晉天福中授江南諸道都統又加天策上將軍谿州洞蠻彭士愁寇辰澧二州希範討平之士愁以五州乞盟乃銘於銅柱希範自言漢伏波將軍援之後故鑄銅柱以繼之

宋歐陽脩新五代史楚世家溪州刺史彭士然率錦獎諸蠻攻澧州馬希範遣劉勅劉全明等以步卒五千擊之士然大敗勅等攻溪州士然走獎州遣其子師曷率諸蠻酋降于勅希範乃立銅柱爲表命學士李臯銘之

宋司馬光通鑑天福四年劉勅等進攻溪州彭士愁敗入保山寨五年勅等焚士愁寨而攻之士愁遣其子師曷帥諸酋長納溪錦獎三州印請降於楚楚王希範徙溪州於便地表士愁爲溪州刺史以銅五千斤鑄柱高丈二尺入地六尺銘誓狀於上立之溪州

宋祝穆方輿勝覽銅柱在會溪城晉天福五年溪州刺史彭士愁納土求盟楚王馬希

範請於朝以立之學士李臯爲之銘

宋王象之天下輿地碑記銅柱在會溪城晉天福五年溪州刺史彭士愁納土求盟楚王馬希範請於朝以立之

宋程大昌衍繁露馬希範既破羣蠻自以爲伏波之後以銅五千斤鑄柱立之會溪

宋彭百川太平治跡統類晉天福五年馬希範與彭士愁約和而五州酋豪既來盟乃

立五銅柱爲之界

案銅柱止一此言五銅柱者誤

明都穆名山記銅柱在辰州府城西北一百一十里會溪坪對江

清顧祖禹讀史方輿紀要永順宣慰司境唐天授二年折辰州置溪州爲控馭羣蠻之所五代馬希範取其地因立銅柱爲表

清武億授堂金石跋溪州洞蠻寇辰澧二州希範討平之士愁以五州乞盟乃銘於銅柱

清王昶金石萃編楚衡陽王時彭師杲以溪錦獎三州歸附立銅柱於下溪州爲界在

今辰州府西北一百十里

清乾隆時通鑑輯覽天福五年春二月楚平羣蠻立銅柱于谿州注云馬希範銅柱在今永順府永順縣東與辰州府沅陵縣分界

清洪亮吉乾隆府廳州縣志銅柱在永順縣東南一百四十里接辰州府沅陵縣界五代時馬希範與溪州分界

清王伯麟永順縣志銅柱在城南施溶溪上王村下與會溪對岸昔五代晉時楚王馬希範與彭士愁設盟所立上有銘記學士李宏皋撰

清唐賡永順縣志銅柱在溪州即今城南施溶溪上王村下會溪對岸按五代晉天福五年楚王馬希範征五溪蠻五姓歸誠具款狀歃血求誓授彭士愁溪州刺史希範爰立銅柱以爲界學士李宏皋爲之記

以上爲建立之由來附所在地

案銅柱八面有字者半無字者半雖未題書人姓名而筆力遒勁雅堪寶貴至空處銜



名書灑偏倚任意揮寫多悖六書前清大儒定爲宋人續刻誠爲不謬柱前三面各十行第一面題及文下題名止于彭光明第二面文下題名止于辛白第三面文下題名止于彭如亮誓詞下題名止于覃文恩第四面前數行誓詞下題名止于彭允強共計五十四名均爲後人所羈入末題當時銜名十九凡三層上七行中下六行均細書文中頌揚語分兩種有上擡者如楚王召天策府烈祖昭靈王祖宗之慶我王每示含宏句王字晉天子武穆王王乃以靜江軍虔遵廟算句廟字我王愍其通變句王字王曰銜恩句恩字感天地句天字仰遵王命句王字是也有中空三字者如前烈承教濡毫句教字含宏丕基雄德文皇帝令謨册命天人聲明招攜錫賚向化化字荷君親句君字祖宗之德是也頌十二句句離三字誓狀仿此

清王世禎池北偶談周行逢據湖南時有謠云滿天太保滿川司空觀此碑所書蓋自馬氏時已然矣

清瞿中溶金石文編右晉天福五年銅柱今在永順縣之會溪乃沅陵永順二縣交界

永順縣志 卷三十三  
處上刻記文並標題銜名共二十五行每行五十六字微有參差正書字徑五六分第二行李宏皋銜名一行低八字次馬希廣監造銜名二行低三字次天福五年云云二十行後列誓詞五行低一字次彭士愁等十九人銜名七行亦低三字次鑄立年月日一行低四字共四十二行天禧移豎年月一行續刻於記文首標題一行下又有彭德□等五十三人銜名散題各行之下空處字蹟俱不端正大小亦不齊恐皆後人續刻故另列於後

清張天如永順府志雜記溪州銅柱見在永順縣東會溪對岸其柱出土高可六七尺周圍約三四尺八稜中空厚可寸餘鐫字方整如顏柳體深入數分銅質清淳光潤歷久不磨字亦完整毫無剝蝕相傳埋土八尺外露七尺中空者其下溶錫灌之上皆以錢築實錢爲人盜盡又聞柱上另有銅頂爲蓋亦爲人盜去重不可致棄入水中

清嚴如煜苗防備覽據張滋周總戎事略載周一德金鄉人雍正三年署彝陵鎮事將征容美司田旻如駐白崖洞傳桑植司爲前導行赴永保等處永之士人初猶玩抗時

駐營鬼灘謀知岸有伏波祠遺記今年月日應我倒銅柱令爾等為中國民永人疑之  
皆蟻山憑崖持槍弩以觀公從容焚香拜廟畢出詣柱前舉臂撼柱柱應手倒永人驚  
惶卽匍匐曰謹乞命遵約束於是風聲所布除道驩迎周歷三日而桑保永三司所領  
茅岡忠建施溶等十七司盡入版圖田曾果為所逼自縊死

### 以上為雕鐫之形式附銅柱傾倚狀

釋文天福五代史帝紀晉高祖石敬瑭年號楚王清吳任臣十國春秋馬希範字寶規楚王殷第四子襲爵天策府十國春秋武穆王殷作天策府置學

士十八人希李弘臯宋周羽翀三楚新錄李弘舉長沙人仕楚營道令累遷都統掌書記馬希範時為天策府學士撰溪州銅柱銘官至刑部侍郎昭

靈王指馬援也案後漢書馬援傳建武中援以征蠻號伏波將軍封新息侯卒追諡忠誠原無昭靈之號茲曰昭靈王蓋馬氏私自追尊耳攷郴行錄載青草湖廟內有三殿

東曰昭靈王昭靈謂馬援也是平徵側後漢書馬援傳徵側者交阯蘇冷縣雒將之女也援之諡昭靈久為楚人所公認

怒遂與其妹徵武反於是九真日南合浦蠻俚皆應之凡略六十五城自立為王明帝詔  
援征之十八年援追徵側至禁谿副將劉隆獲徵武賊遂敗走明年援斬徵側傳首洛陽

龍編蔡梅大清朝貢諸國記安南即交阯後漢光武時女子徵側徵武樹銅柱廣州記馬

立銅柱為漢之極界欽州志分茅嶺在州西南三百六十里與交阯分界山嶺生茅南  
北異向相傳馬援平交阯立銅柱其下以表漢界唐安南都護馬總亦建二銅柱鑿著唐



德自稱為伏波之裔舊志馬援立銅柱在古森洞即此嶺云○唐書南詔傳明皇令特進

何履光以兵定南詔復立馬援銅柱乃遠○乾隆府廳州縣志廣東廉州府東南南至交趾

分界百二十里欽州分茅嶺在州西三百里與安南抵境漢馬援征交趾立銅柱其下與之

以史章公幹利其財欲椎鎔之土人不知援所鑄象浦鄺道元水經注昔馬文淵積石為

越裳國馬援討林邑蠻至西屠夷國鑄二銅柱於象浦日南界與屠夷分境以紀漢德之

盛五溪唐章懷太子後漢書註五溪蠻謂武陵有雄溪楠溪西溪漢辰溪皆入沅大抵沅為正派

受辰最後受酉而通稱之曰沅羣師內附五代史楚世家載自溪州降於是南寧州會長

率其州部天子銘德三句左傳季武子以德諸侯言時紀功大夫稱伐今稱伐焉威武仲

也紀功則借人也言時牂牁前漢書武帝元鼎六年平西南夷置牂牁郡○文獻通考牂

則防民多矣何以為銘牂牁前漢書武帝元鼎六年平西南夷置牂牁郡○文獻通考牂

西州貴州之貴陽安順平越都勻石阡大定南龍遵儀等府皆其地也盤瓠後漢書南

高辛氏以犬戎為患下令得吳將軍首者妻以少女有犬名槃瓠銜吳將軍頭至帝計犬

今長沙武陵精夫姨氏後漢書南蠻傳名渠帥宋均置吏均補辰陽長武陵蠻反闔武者宗

諸壘是也精夫姨氏後漢書南蠻傳名渠帥宋均置吏均補辰陽長武陵蠻反闔武者宗

將軍劉尚詔使均往救會援令均監軍援卒均乃矯制召呂种守楊思開元十二年通鑑唐

沅陵賊來降均乃散其黨為置長吏而還宗均即宋均詳後攷異楊思開元十二年通鑑唐

首領軍行璋反以官楊思弱為輔  
開天策府五代史梁開平四年以楚王殷為天策上

國大將招討使擊擒之行璋伏誅  
將軍靜江軍唐書昭宗光化三年劉勅五代史天福四年溪州叛楚王命左靜江指揮 衿

甲投戈謂捲甲止戈以投降也通鑑勅等進攻溪州士愁敗入保山寨石崖四絕勅為梯

錦獎深山懼不克免乃遣子師嵩降崇侯歸周左傳文王伐崇軍三旬不孟獲事蜀陳壽蜀志益州刺史雍

之縱使更戰凡七縱七擒而亮猶遣獲獲止不去曰公真天威也南人不復反矣

異復溪州銅柱記題本六字而府縣舊志均無復字惟唐氏縣字及通志有之蓋以彭士

銅柱記楚王希範楚王銜中無馬字立字而彭儒 第三字不明唐志僅作彭儒除書均

愁銜中三伯戶兩伯李弘臯新五代史五代史補方輿勝覽府志均無弘字宋史藝文志

是知吾祖宗之慶胤緒繇遠府志少胤字通志改胤為允黃縣志 則九九百年之運府志

遺末今五溪初寧十國春秋避諱作初輯黃志作初安唐志通志 羣師內附府志羣誤

帥式昭恩信十國春秋 載敘厥事十國春秋作 盤瓠遺風金石文編云應作槃瓠此作盤

遺諸侯計功應如諸書作計功 上古以之要服府志作謂之要服黃 師号精天應如各

水頁系志 卷三十三 藝文志 金石 十一



號精工之說○十國春秋師作師夫作天恐宋均案後漢書南蠻傳作宗均而列傳作宋均晉

二十五年燹制告諭羣蠻則作宗均後為尚書令則作宋均致章懷太子蕭綱傳注引吳

及宗資墓碑為証謂自均以下姓俱作宗而列楊思見唐書玄宗紀及思昂傳漢則宋

均置吏四句十國春秋作兩句讀曰宋均甫楊興師為二人姓名殊不可解去就在心黃縣志彭

士愁舊五代史及省府縣等志均作士愁而楚紀通鑑作彥晞新五代史文獻通考作士

然別卷作本名士愁納款後改名士然據此則以前諸說皆有所本 士 歷三四代長千

萬夫十國春秋亦不虐於小民十國春秋忽承間隙應如金石文編作忽乘而通志縣

字每示含宏王縣志誤嘗加姑息應如金石文編作常加剽掠耕桑應作剽掠耕桑而

壇吏告逼府志壇作疆是也非萌作孽之心黃縣志易焉知縱火王縣志肇造丕基十

春秋肇作大開天策府金石文編云策為策之別體字予嘗得馬殷所鑄天人降止應

金石文編作天神降方振聲明十國春秋各請効命十國春秋靜江軍指揮使府志

靜江軍都指揮使黃縣付以偏師十國春秋弃州保嶮應如府縣各志作棄州結寨隄

志誤作靜江王指揮使付以偏師十國春秋弃州保嶮應如府縣各志作棄州結寨隄

高十國春秋作固甘衿甲豈暇投戈十國春秋脫去下句但作崇侯感德十國春秋

吾伐叛懷柔二字頓倒乃依前奏案府志雜記謂銅柱記云依前秦授彭士愁溪州刺

秦施溶州舍田滋為巡邊總管云云驟視之每綱秦字殊不可解以意度之溪洞諸處沉

張之故深林密箐化外頑夷祇知有秦而已彭氏偶逢事會竄入其中得為部長自稱曰

揚本本作奏字筆畫顯然無就字諸子將吏黃縣志誤錫賚有差府志

乃遷州城下於平岸溪之將佐三句金石萃編誤作乃遷州城於平岸溪之下將

又作乃遷州城於平岸衡為感底平壇理十國春秋作居平疆理荷君親之

厚施十國春秋垂于子孫十國春秋苟違誠誓金石萃編敢忘賢哲之踪十國春秋

昭靈鑄柱垂英烈府志錄我王鑄柱庇羣黎十國春秋首我旅爭登若平地府志誤登

五溪之衆不足涕十國春秋我師輕躡如春冰金石萃編溪人畏威仍感惠

納質歸明求立誓十國春秋作棄汚歸口求立誓○案王志以此處歸明

紀神宗熙寧九年十月除放沅州歸明人戶去年秋稅哲宗紹聖四年九月詔歸明人未

給田者舍以官舍兵志有歸明渤海歸明神武歸明羽林諸軍他如胡舜  
陟真德秀柳開諸傳及溪峒諸蠻撫水蠻傳均有歸明兩字安見辭晦乎 誓狀與五姓

歸明府志作五鑄於柱之一隅縣志鑄靜邊都唐縣志收討不順之人應如諸志

當都願將本管諸團府志管作營唐縣志作苦無稅課應將苦作古而諸書均仍亂入

諸州府志誤劫掠該盜唐縣志改逃走人戶唐魏二志改上對三十三天明神府志脫

我無科徭府志科克保耕桑之業通志作耕農可以玄鑒府志因避諱改玄為

清劉青藜金石補錄希範馬殷子也殷由梁而唐而晉奄有南夏希範以次襲爵楚王

唐廢帝清泰三年賜弓矢冠劍晉高祖天福四年加天策上將軍開府如殷故事溪州

即今湖廣永順軍民府西接梓荊兩林南通桂林象郡五溪諸蠻彭氏最大史稱希範

遣劉勅劉全明以步卒五千攻彭士然士然遣子師鬻降於勅乃立銅柱為表命學士

李皋記之案碑曰士愁而非士然曰宏皋而非皋曰師杲而非師鬻有勅而無全明史

云南寧莫彥殊都雲尹懷昌梓荊彭萬濬率其本部共三十七州附於希範合彭氏為

四而碑云五姓歸明碑中具彭氏誓詞及希範答語後列彭氏子姓從臣之名字殊醜



惡以其與史互異錄之吳任臣十國春秋云通鑑作彭士愁五代史作彭仕然而以此銅柱作士然爲可信予所得拓本爲士愁字畫顯著爲無可疑未知志伊所見又與予異何也

清武億授堂金石跋銅柱記李宏皋撰宏皋即馬希範依其父殷所置學士十八人之一也宏皋史皆作皋避宣祖諱刪之記文吳任臣十國春秋全見宏皋傳句多錯訛案任臣依記文爲傳蓋未收銅柱原文所据名山記及廖道南楚紀或近方志所載是以脫謬至此也記後勒誓詞與彭氏官屬銜名任臣亦未收案題名中馬希廣彭師杲二人並見歐史希廣字德丕希範同母弟師杲卽士愁子史以愁爲然杲爲暉非也十國春秋廢王世家書希廣當文昭王時不著其官師杲傳官亦畧證之此碑題銜皆足補遺又州名狹州忠彭州南州高州湘州向化州保靜州來化州感化州古州謂州縣名如金唐官制其職事者大理評事錄事參軍知軍州事別駕鈐轄團練都監巡檢司馬左義勝第三都都將左歸義第三都都將靜寇都指揮使副兵馬使靜邊都指揮使節



度副將知後官知使防遏營節度衙前兵馬使節度左押衙溪州左廂都押衙左廂都虞候金澗里指揮使砂井鎮遏使三井都管使巡檢使排軍指揮使教練使討擊副使都招安巡檢使統軍使同十將知軍州諸名地理表百官表未收

清錢大昕十駕齋養新錄溪州銅柱記馬希範據湖南時所立其記文首云天福五年正月十九日而不題大晉其誓詞云蒙王庭發軍收討又云歸明王化又云凡是王庭差綱收買溪貨並都幕探伐土產不許輒有庇占蓋當時知有藩鎮不知有朝廷久矣記後列銜名吳氏十國春秋並不載吾友武虛谷授堂題跋始具錄之記文空處多攙入宋人題名字迹較劣而知州通判都監鈐轄皆宋時官名斷非天福原刻虛谷未及別白也宋史西南溪峒諸蠻傳彭氏有文綰者知中彭州卽忠順州也此刻有知忠彭州軍州事彭文綰蓋卽其人中忠字互異當依此刻爲正傳稱文綰以景德二年知中彭州天聖三年爲彭儒猛所殺則題名當在天聖以前也吳志伊未見此刻所載記文多誤又不錄誓詞予所藏本乃畢尙書總制楚中時所貽此柱今在永順府境人迹罕

至椎拓頗不易

清王昶金石萃編案五代馬氏王楚時彭士愁引錦獎諸蠻入寇在天福四年八月及其子師杲納印請降在五年正月銅柱之立即當是時此事正史所書頗略薛史及通鑑僅較歐史爲詳然此記文共五千餘字又誓狀二百餘字於構亂歸化始末班班可見其中如士愁作士然師杲作師曷李宏皋作李皋皆足以正諸史之誤詳前人跋中吳任臣撰十國春秋据名山記及廖道南楚紀得有銅柱記文錄入李宏皋傳實則未見拓本故所載譌漏頗多且以彭士然銅柱亦作仕然斷從歐史而辨通鑑之誤不知記文愁字顯然正與薛史合是非倒置殊未然也是刻前後題名者七十四人彭氏適居其半惟士愁師杲二人猶可攷見餘皆不得而知矣記述希範之言曰我烈祖昭靈王漢建武十八年平徵側於龍編樹銅柱於象浦昭靈王卽漢伏波將軍馬援也希範自以爲援後故因伏波故事仿銅鑄柱耳後漢書及通鑑皆不載鑄柱之事据寰宇記領南道九德縣古越裳國後漢遣馬援討林邑蠻自交阯循海隅隨山刊木開陸路至

日南郡又南行四百餘里至林邑國又南行二千餘里至西屠夷國援至其國鑄銅柱於象浦日南界與屠夷分境以紀漢德之盛後漢書援本傳但云緣海而進隨山刊道千餘里而已卽西南夷傳亦未之詳也此記並載銅柱銘金人汗出四語大足以裨史鑑之缺溪州銅柱在今辰州府西北一百十里宋太平興國七年詔辰州不得移馬氏銅柱而本朝辰州府知府王某以銅柱立千有餘年其文可攷今各崗土司不遵前約妄搆難端或焚廬舍或擾耕桑或掠人民或行盜竊並非其祖歸命定盟垂示永久之意請將墨揚記文飭示各土司官苗俾各如約遵行永安邊土督撫從之具著辰州府志是記之重於蠻陬如此嶺表錄稱伏波銅柱舊有刺史韋公幹刺愛州其柱在境公幹利其財欲椎鎔之土人不知援所鑄以爲神物訴於都督都督移書辱之公幹乃止然則援鑄之柱久已不顯而五季所鑄猶能使苗民攝服金石流傳蓋非偶然而官知府者尙知拓文示衆其視公幹賢不肖相去何如也

清瞿氏古泉山館金石文編柱中馬希範題銜江南諸道都統及馬希廣李宏皋劉勅

等各銜並官名地名五代史都不載俱可据以補之空處銜名必是後人續刻錢  
詹事金石跋尾定爲宋人所題因知州通判都監鈐轄皆宋時官名又有知忠彭州軍  
州事彭文綰見宋史西南溪崗諸蠻傳謂文綰於景德二年知中彭州天聖三年爲彭  
儒猛所殺題名當在天聖以前予案記後題靜邊都指揮諸銜名大約宋初其人尙有  
存者西南溪崗諸蠻傳云溪州彭士愁等以溪錦獎州歸馬氏立銅柱爲界建隆四年  
知溪州彭允林前溪州刺史田洪贊等列狀歸順詔以允林爲溪州刺史洪贊爲萬州  
刺史此田洪贊疑即題名所列檢校尙書左僕射之人當亦作史者避諱改爲洪耳又  
案景德二年十二月荆湖北路言溪崗團練使彭文綰送還先陷漢口五千人詔授文  
綰檢校太子賓客知中彭州大中祥符八年詔中彭州彭文綰歲賜錦袍彭文綰之姓  
名屢見宋史其即一人無疑史又言咸平元年七月南高州義軍指揮使田彥強來貢  
疑即此所題之通判田彥強也又言元祐三年知藍州彭士明等各同其州押案副使  
進奉興龍節及冬至正旦溪布有差云云亦與此涪州都監同名計元祐上距宋初已



百餘年疑非一人恐題名陸續所鐫未必僅止天聖以前也彭氏世有溪州之地分上中下三溪總二十州皆置刺史在宋初猶然空處續題金紫光祿大夫等銜名有富州溶州南州萬州高州古州謂州施州保靜州感化州諸地名具見宋史記文後刻彭士愁誓詞與楚相約歸順王化無輕攻討迨馬氏亡入宋後溪蠻依舊順逆不常惟銅柱一物彼人奉爲故事似甚寶愛故宋史載太平興國七年詔辰州不得移部內馬氏所鑄銅柱又至和二年知辰州宋守信等討彭仕羲俘其孥及銅柱嘉祐二年仕羲率蠻衆就降辰州亦還其孥及銅柱記文首行標題下續題天禧元年十一月十五日移到至十六日豎立記云者攷史稱天禧元年溪州蠻擾遣兵討之或因是年兵亂彼人移此重立或宋令人移其柱於此豎立俱未可知題銜末又有銅柱高壹丈貳尺內入地陸尺重伍阡斤並石蓮花臺及下有石顛云云一行顛字不可識字迹與天禧元年一行相類恐卽其移立後同記也王貽上池北偶談載此文所錄銜名多脫誤至記文乃遷州城下於平岸是以四字爲句金石萃編謂係乃遷州城於平岸之下之誤恐未必

然

以上爲文辭之攷訂末篇並爲銅柱遷移攷

清朱彝尊曝書亭集右銅柱記楚王馬希範與溪州刺史彭士愁立誓范金爲柱命掌書記天策府學士李宏皋作記柱高一丈二尺入地六尺重五千斤環以石蓮花臺在今辰州溪蠻境上去府治百餘里以是罕有摹拓本流傳於世卽好古如翟趙曾洪諸家亦未之著錄也予年三十讀歐陽子五代史愛其文辭及覽觀司馬公通鑑編年敍事反詳於國史之紀傳心竊未安因與鍾秀才淵映約分注歐陽子書旣而予從雲中轉客太原訪沙陀北漢故蹟殘碑斷碣摩挲抄撮淵映亦多所攷證不幸客死於燕遺藁盡失從此予無相助者興轉闌珊矣康熙戊午崑山葉徵士弈苞相聚京師語及金石文言其家有銅柱記拓本乃託其郵致具錄記文審定楚世家之誤宏皋止名曰皋彭士愁易以士然其子師杲易以師暉劉勅本靜江軍指揮使不書其官未免太畧亦且失實當以記爲正也及卷還葉氏後求之三十年不得歲在己丑七月忽獲之西吳

書估舟中文字完好出於意表檢視當時跋尾於宏皋本末未之詳乃命裝演手作冊綴舊題於前續書其末馬希範之喪天策府都尉其同母弟武陵帥希萼其庶兄宏皋主立希廣而大校張少敵憂之謂曰希萼次長負氣必不爲都尉下且與九溪蠻通好若不得立勢將引蠻軍爲亂幸熟思之宏皋不從少敵遂辭去希廣立未幾希萼果以武陵反合九洞溪蠻分路齊進遂至長沙縊希廣於郊外而支解宏皋此事歐陽子亦畧而不書溪州靜邊都向化立誓狀具於天福五年正月記撰於是年五月柱鑄於七月字鑄於八月立於十二月宋天禧元年十一月移豎今所

清魏式曾永順府志續編載知府張修府谿州銅柱拓本跋云谿州銅柱在今辰州永順交界之會谿五代時馬希範嗣其父殷爲楚王谿州刺史彭士愁入寇希範討平之遣子師杲乞降立石於天福五年正月學士李宏皋撰記於是年五月柱鑄於七月字鑄於八月立於十二月距今歲九百二十四年矣地處僻陋拓本寥寥本朝考古諸家始有著錄王述菴司寇金石萃編辨證尤詳予於咸豐辛酉來守是邦見郡縣志所載

文多訛舛亟命工摹揭暇時審定之柱八面高六尺八寸四分面廣六寸五分凡四十一行首行復谿州銅柱記六字記二十行七百九十五字頌二行八十四字誓狀五行一百五十二字前後年月三行九十八字題名十行八百七十六字各行下附列題名十七行三百九十字計爲字二千有奇匠作醜劣且多俗書如彭作彭算作筭壑作壑糧作糧款作欸奪作奪檢作檢害作害險作嶮歸作歸寇作寇萬作万不勝枚舉均有悖六書之旨至萃編所列稍有不同者苟違誠誓誠誤作誠我師輕躡如春冰躡誤作蹈彭師裕銜中右僕射誤作左僕射龔朗芝誤作龔明芝覃文息誤作覃文見彭允強誤作彭允師此殆付刻時偶未檢正愈信校書之不易也又按史稱立銅柱於下谿州爲界在辰州府西北一百十里郡志以谿州卽下谿州地然記文首行有宋人題天禧元年十一月十五日移到云云馬氏初立何地已不可考惟是記最爲蠻人所重宋太平興國四年詔辰州不得移馬氏銅柱國初辰州守王某請將墨揭飭示各土司官苗俾如約遵行自彭氏獻土歸流迄今百三十年非曩日羈縻可比而表彰故蹟守土之



任且使州人父老子弟知我朝累洽重熙聲教四訖尊君親上之忱益油然生也至彭士愁之名足爲歐史訂訛馬希廣彭師杲二人官秩可補十國春秋之缺前人論之備矣吾鄉錢竹汀宮詹以附列題名有知州通判都監鈐轄皆宋時官名斷爲宋人屢入見十駕齋養新錄中茲不復贅云是歲昭陽大淵獻爲同治建元之二年四月戊戌跋以上二篇爲拓本之流傳但前篇兼言考訂後編則並四義言之也

永順縣志卷三十四

縣人 文 琴 張 孔 修 編 纂

藝文二

○○金石下

宋

張綸撫諭洞蠻石刻 不詳所在地

案宋史循吏傳載綸知辰州溪崗蠻彭氏內寇徙知渭州蠻復入寇仍爲辰澧鼎等州巡檢安撫使諭苗酋禍福構還所掠民遣官與盟刻石境上夫曰境上雖未明言所在地但此石刻事與彭氏相涉似應在下溪州界內而清人畢本恕辰州府志巴哈布湖南通志均載入沅陵斷屬不確

神宗詔章惇經制蠻事石刻 在明溪口一名紅字碑

案宋史章惇傳載熙寧初王安石秉政悅其才用爲編修三司條例官加集賢校理

中書檢正時經制南北江羣蠻命爲湖南北察訪使提點刑獄趙鼎言峽州羣蠻苦其酋剝刻謀內附辰州布衣張翹亦言南北江羣蠻歸化朝廷遂以事屬惇此刻蓋記其事也考明溪今屬沅陵與永順分界處孔修嘗經過其地道旁石壁竦峙下有磴高約六七尺援篠而上剔蘚讀之見上半截尙係硃書下半截竟漫漶莫辨据通志載所刻者爲章惇趙鼎張翹事而唐氏縣志於三人外並言即殿中丞雷簡夫勦撫彭仕羲事不免畫蛇添足矣

明

碧花潭石刻 在城東南三十里

案魏式曾府志續編載碧花潭石壁刻碧花潭三字右勒宣德二年與士夫同遊

觀音閣鐘銘 在老司城河對岸閣內

維虛有容厥聲斯洪隨其所扣應之無窮以啓昭昭以覺夢夢晨昏之節永惟茂功  
皇明正德二年歲次丁卯季夏月二十四日丙申永順宣慰使思齋彭世麟置并銘

蟠桃菴銅爐詞 在穎砂保菴內龍虎殿前

湖廣永順等處軍民宣慰

使司喜捨七品散官

彭世麟伏爲

勅准龍虎將軍上護前

宣慰使

欽陞湖廣都司都指揮使

長兄彭世麟上同

誥封太夫人母親彭氏竊以

世麟每懷養育之恩

寸無以報及荷提携之德

毫莫能酌敬發微誠創建



佛閣一瓊名曰蟠桃庵施銅

命匠銑造

南無大慈大悲救苦救難靈

感觀世音菩薩一尊合堂

聖像炳瓶永爲侍奉上祈

母壽綿長

兄年永久再祈

勅進正二品驃騎將軍見任

宣慰使彭明輔官星顯

耀仕路亨通凡世麟

眷屬全叨庇佑

正德十六年八月十二日

喜捨七品散官

彭世麟造

案此詞鑄於顆砂蟠桃庵銅爐正面陽文八分書字徑五六分其題名處皆隆起半  
分頗韶秀但捨銚炳等字概係俗書語尤鄙俚不足珍貴至座字反書當是冶工之  
誤無庸深訾又大磬一口花瓶一對均銚鑄詞畧同其稍異者

磬詞尾題

正德辛巳八月二十二日造提緣信士覃彭鑑張天祚彭俊住持僧妙壽永明

花瓶題年月二照錄於下

正德十一年丙子吉月吉日立

正德十六年八月二十二日造

前書丙子立者不解其故或記修庵年月與外鑄家人姓名五□氏李氏彭明德彭  
明仁彭明政茲將爐磬花瓶繪圖如右

銅鑪



磬



花瓶



爽岩崗石刻 在內顆砂保宣慰司治下三里許

案此三字橫書徑六七寸岩字較長筆鋒遒勁未題正德十六年思益書思益武宗時土舍彭世麟號也


古詩二首 在爽巖洞

古洞爽開處藏春別有天百壺酬勝賞一笑了清緣

偶與仙人遊邀我洞中宿夜久月明孤風吹岩下竹

右五言截句二首前題二川彭飛後題小崖胡靜疑是土司幕賓同時遊此所刻者  
松雲潭石刻 在爽巖岡下游顆砂河出口入靈溪正源處

案前清一統志載松雲潭在縣治東北上有醒心亭安壽山房潭上石壁勒松雲潭  
三字今求之不可得僅將所見者志於後



咸

賓主

來以

此自未成

潭上石壁刻長方形闊八尺許高

約五尺其所鐫文詞聞係土司遊

記字迹模糊僅此數文可辨記右

略高處橫剗東江漁火四字字徑

約三寸許為八分書筆力瘦硬其

姿勢亦端莊可愛

末題

正德十七年



伏波宮銅爐 在會溪坪腹大如瓠頂微偃而禿口平圓而旁有環可便提挈重約百觔  
其上楷書谿州宣慰使彭明輔敬獻侍奉漢朝伏波將軍

### 銅鑪模形



白竹山石刻 在內塔臥保

泰山之固磐石之堅子修高隱明道成仙月樓其號萬古千年是何名矣十三洞天

案此刻已採入唐志謂末書純陽子題四字詩中所稱月樓乃宣慰彭世麒子明道  
字也明道學道遇呂岳爲之題壁後人刻之其筆勢飛舞居然飄飄欲仙但所謂十  
三洞天不能無疑攷唐人杜光庭洞天記十三洞在大圍山周廻三百里名好玄上  
之天今爲湖南醴陵縣地據此當是借語非真仙境也。

昭勳碑 在舊司城紀宣慰彭宗舜平寧鄉功也

翰林院侍講學士蒲圻廖道南撰

湖廣巡按御史太原張繼書

今上御極十有五祀顯忠遂良剗囂去魑丕昭神武覃彰隆勳時楚寧鄉大瀉山寇戎孽作大中丞東魯翟公瓚馳疏以聞上命若曰咨爾撫臣式茲南土頑民干紀肆罹厥咎爾其總若師往靖毋翫寇毋黷武母滋匪彝毋虐不辜惟大猷是經爾惟欽哉中丞受命再拜稽首以告諸平蠻將軍新寧譚伯綸對曰折衝死綏將帥職也敢不惟命是祇以告諸巡按御史慈谿沈君一定對曰糾紆肅度御史職也敢不惟命是祇以誥諸布政使易侯瓚按察使張侯鉞對曰督餉裕用揚威貞紀方伯憲長職也敢不惟命是祇僉議既諧中丞歎曰嗟乎有苗昏迷不恭厥責在予予其敢弗綏乃謂參議劉恩僉事張素曰汝成事茲土其往撫母後自四月己丑越五月壬戌載諭弗聽中丞又歎曰嗟乎穀乃甲冑鍛乃戈矛厥在汝衆其敢弗躬予不汝宥乃又謂參議恩僉事素曰汝弗贊命予不敢私其往

督知府李日華等征之母縱自五月癸亥越六月甲申載征弗靖中丞乃又歎曰嗟乎庸蜀羌髻微盧彭濮以夷攻夷振古如茲矧若土兵世秉忠順匪藉茲武曷其能堪乃七月乙卯宣慰使彭宗舜以兵從中丞乃謂副使崔桐僉事王淪曰汝其禁戢毋違若令於是都司潘嶼暨僉事素率厥有衆宗舜次於龍山宗舜之族九齡次於龍田越六日己未九齡追至於煙竹岡斬首數百級俘者倍之癸亥宗舜又追至於衡陽之三岡斬首數百級俘者又倍之辛巳寧鄉平中丞歎曰嗟乎殲厥渠魁脅從弗治凡茲有衆其勿孥戮乃謂僉事周在曰紀厥功次汝其勿讓是役也獲醜則三百八十有奇獻馘則三百一十有奇俘獲則四百有奇中丞乃又歎曰臣罔以寵利居成功予小子其敢貪天之功乃又馳疏以聞天子嘉之乃崇厥秩以寵異之大將軍則增歲祿御史而下頒賞有差乃謂參政劉侯曰汝其走使內史氏以紀厥實勒諸貞石以垂有永於是內史氏繫之辭

永順宣慰司祠堂碑 在舊司城東門老祠基高六尺七寸寬二尺九寸

皇明萬曆十九年歲次辛亥仲春月吉旦

文林郎知四川重慶府江津縣事武陵洞衡陳一能天全甫撰

永順界楚西南隅接壤黔中進制諸夷峒大山窈谷翳林深箐鬱鬱千里蓋雄鎮云案彭氏鎮永順五代以前無論已宋神宗命官經制湖北詔彭氏統州二十語具宋史中我明高皇帝混一中原鼎興之後與遠臣更始迺鑄鐵券給土田錫弓矢敕彭氏都永順至是彭氏仍守封疆赫然爲世臣矣載攷譜牒其先豫章人代傳累葉爲思齋公思齋公歿德軒中軒兩公先後襲爵中軒公歿北江使君請於朝得便宜行司事時倭夷入寇吳越民洶洶不靜先帝用督撫議檄永順徂征使君提兵海上指揮所部平之捷聞荷白金文綺之賜一時當事諸人咸謂祭法曰能捍大患則祀之若使君者謂之有功疆場誰曰不然使君乃孫不言功永韜戈甲潛遁山林日取饒歌鼓吹以詠太平之盛顧其功竟泯泯哉先是思齋公以用武顯世忠大業足爲諸子孫光乃於曾祖敬齋公厥考正齋公尙未建祠而尸祝之非所以尊祖敬宗也故德軒公謀裒爲合祀令後之奉諱者祔焉會朝廷有征倭採木之役歲復大稔德軒公賣志以歿謀竟不果北江使君尋亦即世乃長君懷北



亦奄化今彭侯兩懷握篆涖疆土諸廢俱興念祠祀未合春露秋霜之候何以妥列祖之英靈假有廟而伸孝思也爰集衆議期終先志廟貌一新得奉列像祀焉而厥考懷北亦像木合祀用識孝思於不置其他祭田祭器伏臘奉祀悉定如制祠成百執事宗黨咸來觀禮僉謂此堂先使君志之彭侯成之也顧祠已落成脫無文人記之將何以垂永久因肅幣列狀遣使者致詞曰元錦遐陬孤穉不敢邀惠文人特欲述先志不得不如此不佞重斯義舉詎藉以不文辭爰受簡曰朝廷待開國元勳生則侯封死則廟食所以勸忠也彭氏席累朝榮寵以勳伐起家為封疆大吏雖不獲侯封而獲世官不獲廟食而獲世祀是朝廷待功臣與國士報主恩兩無負矣抑不佞猶有說焉嘗聞三川之民被髮而野祭孔子深詆之以其俗非古也庚桑楚之處畏壘畏壘之民猶然尸之况堂堂世胄乎夫祠堂之設即學士大夫家容有廢缺不講者是舉也以仁率親故不忘親以義率祖故不忘祖殆默有合於宗祧大裕之遺意抑不失乎忠臣孝子之至情故後之子孫起而世官者秉朝廷三尺以恪守令甲即越在外府毋敢失墜由是可以作忠念先人締造以有今日

期睦鄰仁族以結人心由是可以興孝彭氏之血食寧有涯哉噫嘻先使君以忠孝殉國  
今侯以忠孝承先用以啓佑後人胥義也宜並書勒石以告來世

銅爐銘 在舊司城宣慰彭元錦鑄

桓桓義勇赫赫聲靈河流嶽峙惠我蒸蒸維彼祝融少昊以成雲興風烈永佐佳城

萬曆甲辰歲朱明月吉日袁白主人造

案袁白宣慰彭元錦號也此爐見置關帝廟中已折去三足惟所鑄銘詞無一缺點  
審其意義係元錦父永年墓前物茲繪圖如後



銅鐘銘 在舊司城關帝廟宣慰彭元錦鑄

有序

攷之志曰鐘西方之聲以象厥成惟功大者其鐘大垂者爲鐘仰者爲鼎

萬曆丁亥予掌篆之次歲也夢帝錫予以大刀紅馬予即刻象立殿於將軍山頂書其額曰神武祠又蒙神節降護持酉之役三戰三勝播之役捷音屢奏保之役十一戰十一勝且旦夕賜佑魑魅魍魎莫施陰謀予無蚤子又蒙錫予子嗣因是再立殿於迴龍山之上題其殿爲聖英寶殿乃命工範銅鑄鐘鼎一懸於廟左用彰神武而爲之銘

洪惟聖帝惟心天日默佑於予魑魎無濟鎮我邊庭時和歲利億萬斯年彭氏永祀

萬曆癸丑歲惠風月吉日

欽賜蟒龍服奉

誥進階驃騎將軍湖廣都司都指揮使前

賜飛魚服奉

勅管永順等處軍民宣慰使司事豫章彭元錦頓首書

宣慰使彭廷機同造

督工內管家黃桂


管工把事何一謙

書寫弟子錢有讓

鑪冶王世賈

案老司城銅鐘高六尺八寸大逾兩人合抱所刻銘詞為陽文隆起二分長五分闊六分字體方整逼近歐陽據稱彭元錦頓首書又曰書寫弟子錢有讓果係何人搨筭究難確定但其筆畫適勁要非潦草者所能幾及茲將模形繪圖於右

銅鐘模形









鐵香筒 在顯砂蟠桃菴上刻隆武二年九月十九日造

案隆武係明末唐王聿鍵年號聿鍵於清順治二年乙酉六月稱監國於福州改此  
明年八月敗歿冬十一月桂王由榔始立於肇慶年號永曆嗣唐王聿鏞亦立於廣  
州年號紹武是刻為九月十九日明實無君也胡為不書順治而必戀於故主蓋  
隆武凶耗尚未聞知新朝正朔尚未頒到耳

香筒模形



清

宣慰彭弘海德政碑 在舊司城高八尺二寸寬三尺六寸座高一尺二寸

案碑面正中一行篆書銜名餘均楷書碑陰書各官各首領姓名

欽命世鎮湖廣永順等處宣慰使司宣慰使都督府致仕恩爵主爺德政碑

己卯科舉人天門年家眷晚生朱鴻飛萬瞻拜撰

康熙五十年二月

嘗聞恩可結民心不能使民心之不忘功可顯當世不能使後世之取法苟能如是矣而能得之於民尤難而能得之於天與數者求之往古亦不多遘况斯世乎使君中涵彭公致仕之明年余過靈谿適有承轄之五十八旗三百八十洞軍民扶老攜幼蟻集司城向余告曰吾永建自五季爲朝廷南服世臣迄於今幾千載其間執圭守土代不乏人咸以苗蠻之故用法嚴峻服民以威不以德也是以治亂相尋無息肩日自我恩爵主嗣世天性仁厚舉無失軌去猛存寬用賢遠佞易殺戮爲鞭扑而犴陛形消開入告以聽民而覆盆無枉慮民之荒於業也而自勤稼穡恐俗之流於頑也而時申孝悌節用以卹民膏輕賦而蘇物力崇儉抑奢弋緹之袍不厭修文偃武刁斗之警無聞和鄰而睚眦之邊釁自



彌樂天而虞芮之質成屢至凡舉措施舍皆以養民守土爲事以故寬仁鎮靜之恩生息庶富甲於諸司四十年徒見祥風化日皆其賜也民詎敢忘又若自措軍精三次懾苗於鎮尊親隨王師身先開關於辰龍聞興殿工採木以貢諸如此類難於枚數雖興師動衆民不知勞皆由撫綏之得其法也故功在朝廷德留疆土足以垂法於後世者民詎敢忘今恩爵主以民社之重授之新使君而率由舊章孰非奉訓有自哉故謝事雖已一載而恩德自在千秋詠歌感歎有難忘民心者敢乞文人之筆勒諸金石以志民心之不忘庶其可乎余旣諾之退而有深思焉夫楚之南北列茅土者比比余嘗挾策而遊殆有年矣有一至者焉而往過之則非舊矣有再至三至者焉又往過之則非舊矣問其故則曰刑之不惜而民不堪命也苛政無時而戶口逃亡也好兵仇鄰而宗社不守也貽謀不善而令緒無聞也若然者恩未及民何有乎去思功無可紀何有乎取法其在人者尙不可得况望得之天耶若使君真不啻天壤矣德旣若此功復若彼無怪乎閭司黎庶愛戴之深依戀之切有若赤子之於父母故於馳驅綠野之日猶不忘邵伯之甘棠非所謂結民心

而不忘者耶顯當時而法後世者耶况使君晚得後嗣侔乎荀龍之數而新使君徽猷邁德行將羽儀天朝是又後先濟美世不多有者皆使君盛德所致豈非得之於人者復得之於天耶然則是碑也不獨爲軍民依戀不忘之誠抑又風諸有土者奉爲典型毋有失度得以永守世業使君之豐功盛德其有涯與余樂此盛舉不敢以不文辭爰拜首而爲之記

標員中軍官向華

副中軍王啓忠

家政彭芳

支應彭應祖

旗長陳廷謨

撰文魏先修

書碑魏國佐

州司南渭州彭啓堯

施溶州田應朝

上溪州張宗文

臘惹洞向宗國

麥着黃洞黃朝勛

驢遲洞向鼎鉉

施溶洞汪澤長

白岩洞張宗略

田家洞田萬勝

馬羅洞田暹

馬羅洞署事田善繼

蕪楮鐵鑪 在穎砂蟠桃庵宣慰彭肇槐獻

大清雍正四年歲在丙午

信官彭肇槐供奉

蟠桃庵 佛前


冶氏

靖州綏寧縣

黃月明父子

四人造

### 鐵鑪模形



斗泉 在城西北五十里青峯聳碧清流疊湧石上勒此二字

李氏縣志

案清一統志誤作在城北五十里石上有古刻十泉二字後世考古家如湖南通志

湖南掌故備考事類統編諸書皆誤作十泉

石刻劍南石芝五言律詩 在王村劍潭南石壁

嶺外靈根結天然產石芝九莖符鳳腦三秀薦仙肌雨溼苔仍護風高葉不垂劍南留勝蹟玉露藉培滋

李拔題

黃氏二子殉節詩 在文昌門外洗心池右數十武

奮志從軍膽氣豪拚將碧血染征袍一門忠孝成雙烈千古湘流湧怒濤

案此刻前鐫己未冬予偶游永順與素菴先生爲把臂交因出其兩哲嗣仙源志齋先後殉節詩傳索詩於予乃不揣固陋勉賦一絕以弔之勒於觀音岩以爲忠孝不朽云爾後鐫吳門沈□煜霽岩氏書

不二門石刻 在文昌門外三里許

大字

作仙源觀

洞天福地

煙霞闢闔

神秀獨鍾



吾道南來

白雲門開

砥柱中流

其機如此

小洞天

子供送

忠孝

眼前南海

嘉慶口口

百寶騰光

道光口口

別有天地

道光二年 秦廷杰

明陰洞陽

道光口口 鄧爾恆

普陀法相

道光巳亥 楊鎮源

海上飛來

道光巳亥

中有慈航

道光己亥 陳錫麟

瞻奇仰異

道光甲辰 韋偉人

別開生面

咸豐口巳 咸豐

慈光普照

同治口年 廖長明

曇花一現

同治五年 知府周籛

覺路宏開

同治九年

勝境無雙

同治癸酉 黃卓雲

波羅揭諦

同治癸酉 劉繩祖

大千世界

同治癸酉 柳萬春

到此人皆佛

同來我亦仙

光緒癸巳 景元孫

觀音巖八景詩

在不二門

石門天鑿

法門高矗五雲隈 鬼斧神工妙化裁 鞭石無痕還着相 振山有鐸不須鎚 地沾花雨千歧

坦道接薪傳 一綫開莫訝 終南稱捷徑 巨靈神劈小蓬萊

玉嶂屏環

突兀金蓮面面峯 屏開十二玉芙蓉 青圍佛頂嵐光淨 翠繞琳宮霽色重 摺去漫教黃鶴

化展來常倩白雲封於焉知是真如地恍向廬山認舊蹤

澄潭月影

寶鏡奩開白水東澄鮮如練瀉清空影搖貝闕潛蛟舞光射珠宮夕照紅遮莫禪心同皎  
潔洵知慧照自淵冲樹移濃綠歸來晚磴鞞聲傳查靄中

古洞仙蹤

跨鯉先生去不回長留遺蹟在山隈雲迷洞口花餘影煙鎖峯齊屐印苔歲月如流人自  
老丹臺無恙我重來相逢盡是三生客坐石聯吟亦快哉

溫泉煙暖

卓錫何年記上方暄波煙暖玉泉鄉花迷銅浦能療疾露浥鉛溪可洗腸一滴綠澄留法  
界半瓶紅冷藉慈航搜奇豈與窮山棄踏破青莎興未央

淨池心清

又逐飛花過斷碑一泓淨水漲春陂引來曲曲灣灣水瀉出溶溶灑灑池澡德咸瞻新氣

永川縣志 卷三十四  
象洗心還認舊鬚眉鞋香楚地看無厭功德源頭繫我思

層閣聳翠

傑閣橫空枕碧流  
曠煙藹藹翠華浮  
平分水月疑無地  
亂墜天花別有洲  
下界紅塵飛不到  
十方淨土影長留  
凌雲直擬三天竺  
拾級同登白玉樓

松徑留雲

松陰夾路影蔥蘢  
踏破煙嵐下碧峯  
繞幹奇香堪引麝  
拂枝化雨欲成龍  
時聞爽籟隨風去  
猶見愁雲映日封  
說與山靈勤保護  
再來重訪歲寒容

嘉慶己卯菊月既望知永順府事長白介菴福順題

觀音巖題壁 在不二門

萬竹窅然暝一門  
訝忽開夏寒森欲雨  
空響殷疑雷峭壁嵌新翠  
流泉咽古哀招攜得佳侶  
從此出塵埃

湖南督學使者張金鏞題

題觀音巖 在不二門

陳秉鈞

蕭寺遙連郭外村靈巒常秀水常溫地藏幽壑疑仙境天假懸巖壯佛門鳥道低穿猶有  
路神工巧鑿更無痕我來瞻望徘徊久欲罄吟懷日又昏

七絕

光緒丙午

在不二門

辰永沅靖兵備道

朱益濬

十載重遊不二門岩前猶認舊窪尊溪山無恙人垂老獨有雲根萬古存

觀音巖廟後石刻

呼吸通天

道光戊戌夏知府長白石泉穆清題

萬古長春

道光十一年冬月長白尙安

五言古詩 在觀音巖廟後

城居厭喧囂遐意託幽林慨茲百役勞憂思每難任佳日適南郭春嵐暉遙岑萬山鬱合  
沓松石契披尋岩扃支禪寮下臨碧澗深蒼壁森虬篆荒雲流古今精室聞妙香虛明生  
道心山禽鳴更飛風篁答清吟歡容屏物擾長日弄瑤琴末題晚秋居士





永順縣志卷三十五

縣人 文 琴 張 孔 修 編 纂

雜志 附

莊旨三千虞初九百經史之餘不廢小說妄語狂譚情殷辨別舊志規撫都存精液  
古今圖書有典有則軼事諛聞間留簡策如聚孤裘珍匪一腋薈萃書之哀然成帙  
羽翼正傳補苴罅隙至理明言足資攷覈志雜志

雜志一

刊譌

案府縣各志以及他書援引永順故事凡錯誤處業經逐條更正其有難附麗者並  
識於此

寶元二年下溪州刺史彭世義擊辰州狷獠有其地自號如意大王置官屬子師寶訴父  
不法世義據辰州界啗溪地方以自守姪師宴攻殺之以啗溪並皮白洞地獻之詔為下

溪州刺史 府志 雜記

案張氏此條紕繆甚多攷彭仕羲之叛在至和二年見宋史仁宗紀此言寶元 亦仁宗年號

宗二年 先至和十年 擊辰州獠其事不詳於史未知何據又諸蠻傳載嘉祐 亦仁宗年號

二年 後至和 仕羲據下喏溪此言喏溪三年被子師綵所弑此言姪師宴熙寧 神宗年號

五年師晏以馬皮白峒地來獻此言皮白洞地均屬有誤至仕羲誤作世羲師綵誤

作師晏師晏又誤作師宴師晏本仕羲子誤作姪尤顯而易見也

青德綏德人正德中任邊糧通判邊人信服遇歲歉百方賑濟勸永順獄多所平反苗彝

安輯 府志 名宦

案青德明史有傳但勘永順獄句原作勘九永獄指九溪永定兩衛也此言永順者

誤

楚世家云張佶五代時為永順軍節度使 府志 續編 雜記

案五代史楚世家載楚王馬殷請以朗州為永順軍置節度使張佶傳云開平初殷

表佶爲朗州永順軍節度使夫曰朗州是武陵非永順也又攷五代時雷氏據朗州十國春秋藩鎮表載梁開平間武穆王執雷彥雄送之梁梁改朗州曰永順軍雖所傳異辭亦謂永順軍置於朗州也魏氏於張佶事竟截去朗州二字以愚後人是明知而故犯不遑其謬實甚且永順州名詳宋史西南溪峒諸蠻傳故謂之州則可謂之軍則不可是時彭氏據此州梁又焉能置節度使乎

明谿以漢寶應明駐師得名吳良界以明吳良駐師得名

唐志自注

案唐氏藝文志有明谿懷古詩云地靈人傑感谿名漢將猶懷寶應明一樣吳良留界在先後難問舊屯營自注云云攷漢寶應明雖嘗征蠻其師尙未至沅陵焉能上紮於明溪明洪武五年征廣西吳良出靖州討會同五開潭溪古州其地均距永順甚遠又何嘗駐師境內乎乃竟妄引古事以爲地方生色殊不足據

彭世麟非宣慰使說

案永順司宗譜稽勳傳於彭世麟後書曰彭世麟字國禎顯英次子先是世麒泣任



世麟代兄征討屢建勳勞正德元年世麒讓職世麟不從二年世麒赴闕疏請致仕准令世麟襲職始從命十年致仕姪明輔襲唐志因之亦為世麟立傳更加褒揚蓋謂世麟已為宣慰使也然攷之明史於正德七年書宣慰彭明輔則明輔之襲任非正德十年也明甚又正德六年都掌之役諸蠻傳及洪鍾林俊二傳均書永順土舍彭世麟則世麟非宣慰使也又明甚故世麟一傳自應割愛

劉承孟字春翁新化人吳逆之變積功授永順協副將承孟鎮永順最久經滇逆蹂躪新附之後拊循綏輯兵安於伍民安於野而終之以謙讓仁惠為時所稱卒於陝西涼州大

靖營總兵 清關培鈞新化縣志

案吳三桂叛逆在康熙中是時永順尚未改土焉有副將意者為永州州字之譌與彭世雄保靖土官洪武中以從征陳友諒功封武畧將軍保靖宣慰使子瑄早卒弟萬里以功封懷遠將軍瑄子顯英調征桂陽天柱搖賊及襄陽四川西襄等處有功進階昭勇

將軍 嘉慶湖南通志人物

案通志此條繆蓋太甚攷明代土司有兩彭世雄在永順者爲英宗時人在保靖者爲太祖時人保靖之彭世雄其子爲萬里明史保靖宣慰司傳載太祖初起安撫司彭世雄率屬歸附仍命爲安撫使洪武六年詔陞安撫司爲保靖宣慰司以萬里爲之若永順之彭世雄子瑄早卒孫顯英襲語具土司傳茲不復贅巴氏不加攷覈繆合爲一烏足取乎

李允則太原人溪州蠻田彥伊入寇遣詣辰州計事允則以蠻徼不足加兵悉招輯之

南湖

志通

案宋史三百二十四李允則有傳云允則字垂範濟州團練使謙溥子也太平興國中爲閣門祇候高溪州蠻田彥伊入寇遣詣辰州與轉運使張素荆南劉昌言計事允則以蠻徼不足加兵悉招輯之云云洵屬不謬但史言高溪州非單言溪州也攷宋史高州有二溪州有二未可合併言之至如高溪另是一州焦守節傳云眞宗時高溪州蠻內寇命守節往圖方略守節言山川回險非我師之利詔許招納丁謂傳

云淳化中為夔州路轉運使初王均叛朝廷調施黔高溪蠻子弟以捍賊既而反為寇謂至召其種酋開諭之又谿蠻別種有入寇者謂遣高溪酋帥其徒討擊出兵援之禽生蠻八百六十得所掠漢口四百餘人西南諸夷傳云咸平四年西南蠻羅夔井都指揮使顏士龍等來貢詔館籛賜予如高溪州施州傳云施州與順富高溪四州蠻相錯是言高溪州者非一顧安得以溪州當之

躅塵俗姓彭名塵兒初遊武陵之三家庵從浪丈人遊自號無遮碍子又名寄塵子隨所駐錫處易名居粵曰廣籠居衡曰衡籠居龍洞則曰潛龍山人龍洞即縣屬送答茄也建寮石壁間年餘遊蜀登峨眉失足不知所之後又見於長沙鐵佛寺性倜儻不拘戒律錢塘袁枚贈以詩有曰不參無上乘祇喫自然齋幾筆銀鈎字珠娘扇上皆今閩中有楚南詩僧寄塵墓相傳蟠桃庵觀音閣皆其雲蹤所及云

唐氏縣志方外傳

案唐志於傳後復加按語謂僧寄塵楚南衡山人工畫能詩畫花卉尤入神隱名姓考其跡皆與冠蓋通乾隆年遊京師儀真相國阮芸臺為閣學時與倡和趙介山殿

撰使琉球寄塵卽遊琉球慶雨林將軍宦閩海寄塵卽遊閩海性嗜荔支居榕城之西禪寺死葬焉今杭州西湖上有梅花樓亦寄塵卓錫地或曰和珅客也珅敗寄塵削髮爲僧云其攷證可謂詳矣其崇拜可謂至矣夫寄塵爲楚南詩僧當時賢士大夫與之交遊者衆爲述其行蹤者亦衆故唐氏縣志亦撫拾之以爲地方生色而其實非也攷寄塵始末詳載於長沙縣志又武陵有髡殘者善畫亦高僧也唐乃剽竊二人事迹而錯綜其辭傳中傳末更添數語以證其言之有徵今將二志錄出

清趙文在

長沙縣志云寄塵俗姓彭氏幼誦佛經卽曉及長工書畫隨所駐錫處易名居粵曰廣麓居衡曰衡麓居長沙之鐵佛寺曰湘濱侷儻不拘戒律錢塘袁枚贈以詩有曰不參無上乘祇喫自然齋幾筆銀鈎字珠娘扇上皆晚遊閩客某將軍幕府無疾而逝遂葬其地閩人題其碣曰楚南詩僧寄塵墓武陵縣志云髡殘號石谿少時自翦其髮投龍

三三家菴旋遊諸名山後至金陵受衣鉢於浪丈人住牛首山 則彼之情僞立見且謂寄塵隨所駐錫處易名皆詮釋清楚獨於躅塵二字未經解明從何得來其作僞之迹更敗露矣

後晉馬希範宋孫構徐的郭遠彭思永元劉國傑張經明王信清孫養翼等皆傳列名宦



志府

案以上諸人皆征討溪州者雖有功績非守土官不得為名宦也如以為是則唐之楊思勗宋之牛允史方陳世欽錢絳彭乘宋守信李參元之脫里察田興祖闕里吉思哈喇哈斯千家奴耶律居信明之單信萬鏜清之王孫麟等皆建功於斯地何以不書乎其立傳之不精一至於斯

通鑑云廖匡齊長沙人溪州彭士愁叛匡齊與劉勅統兵討之士愁敗走保母寨石崖險

絕匡齊戰死

通志引

案保母母字原作山字謂其走保山間寨柵也而曾氏竟以保母為寨名誤矣

田菑永順土司也嘉靖中調征倭爭入賊巢為所圍死之同時土官田豐亦以征倭死

清一

志統

案田菑為土官非土司也且爭入賊巢一語亦復不妥明史永順宣慰司傳云永順兵勦新場倭故不出保靖兵為所誘遽先入永順土官田菑田豐爭入為賊所圍

皆死之夫倭夷蹂躪蘇松新塲新塲蘇松地也安得以賊巢目之况前未敘及保靖兵爭入二字尤屬無跟讀者當自知也

本書地理志坊墓篇有被人指摘處但已建坊不能不錄之人物志之節孝準此忠貞傳王福山事與黃中興同傳中同治二字當是咸豐之訛此人應與中興合傳選舉志畢業條陳義昭非保定軍官生亦宜更正

○○舊志遺規

永順縣初志

清雍正十三年甲寅

督修

永

順

府

知

府

長

白

袁承寵

監修

湖南永順等處地方協鎮統轄永定保靖二營副總兵官

王進昌

編修

永順縣知縣 河陽 李瑾

監刊

永順縣知縣 姚江 徐正恩

凡例

一永邑為初闢巖疆向無書籍可徵僅有宣慰司志一帙藉為藍本至如辰州沅陵地屬犬牙其府縣志中所載似可引證但東鱗西爪語焉不詳且多模糊影響之譚故欲成完璧非自行纂述不可謹以菲材忝膺民牧用特勉盡棉薄為異時徵考之資

一永為土司舊壤彭氏事蹟誌之頗詳惜此地荒僻寫遠無宋史明志以為考核之書殊為憾事

一永順土司轄地析為永順龍山兩縣所有當年秋糧銀百六十兩兩縣分當永不加耗可仰見皇恩之浩蕩十年後生齒日繁墾殖日闢當事者勸議升科在所難免但

斯地山寒水冷收成甚薄必以下下則例為衡方稱恰當

一永順秋糧供之朝廷者止銀八十兩而官俸軍需役食幾費萬金其築城建署修廟宇設津梁等項特別請帑者尙不在此數雍正六年皇上允其歸流詎有所利而爲特不忍此一方民久罹水火故亟爲拯救之

一地志之編凡天文地理人材均宜備載但永邑學校雖興而人文尙未振起是以選舉一志暫事闕如

一碑版文字編入藝文自是地志正軌至名宦寓公騷人墨客諸詩歌凡有關吏治民瘼者亦宜詳載然因離任恩遽未遑登錄伏冀後來君子匡予不逮庶南陔華黍不至有聲無辭

永順縣再志

清乾隆九年甲子

監定

賜進士出身南書房供奉經筵講官日講官起居注翰林院侍講學士內閣學士兼禮部侍郎吏部左右侍郎兵部右侍郎都察院右副都御史巡撫湖南全省等處地方



世襲 襲 一 等 輕 車 都 尉 蔣 溥

湖 南 督 學 使 者 山 陽 阮 學 浩

督修

湖 南 布 政 使 司 布 政 使 前 刑 部 掌 印 給 事 中 紀 錄 九 次 長 柱

湖 南 長 沙 等 處 提 刑 按 察 使 明 德

湖 南 長 寶 驛 鹽 道 按 察 使 司 副 使 北 平 鍾 昭

湖 南 觀 察 使 官 者 人 玉 峯 徐 德 裕

監修

誥 授 奉 政 大 夫 署 永 順 府 事 常 德 府 清 軍 同 知 加 一 級 紀 錄 七 次 三 晉 景 士 鳳

編纂

誥 授 文 林 郎 知 湖 南 永 順 縣 事 前 知 興 寧 縣 奉 旨 行 取 在 任 候 陞 主 事 加 一 級 紀 錄 六

次

王 伯 麟

凡例

一永順舊隸土司千百年來文獻莫考雖有宣慰司舊志但紀土司世職山川景物之類無姓氏年月可稽按其事迹大約在康熙三十年間也自前縣李公創爲初本規模具備遂覺斯地生面一開今茲之役蓋踵而成之非改易之也

一 是編有與舊志無異者有補舊志所未及者先略後詳勢有必至然參稽不可或忽敘次不可或淆分門別類一切紀載悉以類從使閱者一展卷而較若列眉焉

一永順既爲郡縣則茲編爲郡縣志非土司志也而各卷中間及土司若秩官人物尤於彭氏特詳疑於不類然今之郡縣固昔之土司也今之傳舍固昔之世官也不睹乎舊莫圖其新故或循舊志所有或補舊志所無視昔視今從俗從宜亦居此土者之一助也

一 是編博採見聞不過訂訛補闕非有卓識鉅筆可光簡冊也其間言之重詞之複知難免鄙瑣之譏修飾潤色尙俟後之擅三長者

永順縣三志 清乾隆五十八年癸丑

監定

永

順

府

知

府

戴求仁

督修

永

順

縣

知

縣

黃德基

纂修

永

順

府

儒

學

教

授

關天申

協修

永

順

縣

儒

學

訓

導

王繡茂

校對

廩生

黃光燦

陳君弼

生員

向萬河

楊文德

滕興鰲

臆繕

拔貢 朱得勝

總理

監生 黃集祐 黃集祜

監刊

監生 黃集祿

凡例

一永邑昔屬苗疆今沐浴聖化涵濡薰陶屈指六十餘年其間人文日起禮教漸興節孝忠義皆由盛治感被不可磨滅其已經請旨旌表建坊及未經請旌詳明上憲給匾示獎者悉纂入

一本朝疆域日廓幅員廣袤山川景物之盛較往昔倍增聿徵盛世文明之象蔚然巍

煥今悉補入



一永邑自設學以來絃誦之聲遍鄉城都人士率皆彬彬爾雅六十餘年來列科名登仕版者不乏其人足徵我國家培植人材聲教遠播多士奮興迥異疇曩今照依科名出仕年分纂入志內

一藝文詩歌取其有關政治不尙繁縟永邑自歸流以來文運日開其中名勝古蹟形之吟詠者皆足鼓吹休明今悉增入

永順縣四志 同治十一年癸酉

督修

卽 選 道 永 順 府 知 府 魏式曾 直隸舉人

總修

補 用 同 知 永 順 縣 知 縣 唐 賡 雲南舉人

補用同知直隸州署永順縣知縣 董耀焜 湖北人

監修

知府銜古丈坪同知

羅克從正藍旗人

五品銜候補知縣前署永順縣知縣

胡啓運安徽人

纂修

即補知縣前任安仁縣知縣

李龍章廣東人

協修

國子監典籍銜署永順縣學訓導

劉華鏞湖南人

永順縣學訓導

羅教純善化人

候選訓導

黃山暹邑人

翰林院待詔銜

張珏福建人

議敘布政司理問銜

宋廷模雲南人

附生

朱作椿湘潭人

候選教諭

彭士金邑人

拔貢 生 李奇珍 邑人

光祿寺署正銜永順府學教授 丁振聲 鳳凰廳人

賜同進士出身翰林院檢討 黃晉洛 邑人

編輯

分委 永順府試用縣丞 官肇修 四川人

廩生 盧元勛 邑人

附生 柯錫齡 邑人

繕寫

附生 黃錫祉 邑人

附生 敖宗謨 邑人

附生 王昭品 邑人

附生 蕭秉懿 邑人

督刊

永

順

府

經

歷

王恩照

安徽人

候

選

巡

檢

周靖邦

邑人

校對

六

品

銜

候

補

巡

檢

周炳南

湖北人

署

永

順

縣

典

史

張開珍

湖北人

國

子

監

學

正

銜

卽

選

訓

導

蕭永惠

邑人

國

子

監

學

正

銜

卽

選

訓

導

熊夢祥

邑人

附

生

蕭長裕

邑人

凡例

一全志先列各圖以挈其綱次分十二門以繫其目首疆域詳輿地紀開闢也次建置崇規制述創始也有土有人而賦役定貨財興焉故賦役與風土次之既富不可無



教故學校次之有文事必有武備故次武備爲政之道先成民而後致力於神故典祀次之人民社稷主之者惟官司故次官司政教行而後人材出故選舉人物列女以次遞志而終之以藝文庶幾陳詩觀政之意乎其各門條目分詳各卷小序後一州縣志乘先彙錄詔諭檄示弁諸卷首永邑獻土以後薄賦輕徭欽承綸綍無多不足成帙僅於第一卷恭錄簡端以奏摺附焉若碑記之文必有關於建置之大乃隨事錄入以備始末其餘概歸藝文

一縣境四錯偏處苗疆關隘守禦最爲緊要故於各保分圖及山水條下既逐處標識而疆域門後另詳關隘

一臣民慶祝之所爲萬壽宮不得與建置各條並列故另標於衙署之前仍舊志也

一壇廟學宮書院考棚原關建置之大因學校典祀各有專門故不詳於建置

一縣附於府凡非縣屬衙署秩官雖同在一城皆不敢混載明有統也若駐防自千總以下則郡志或不及詳不能不併列焉

一建置各條凡昔有而今無者均分別旁註附字廢字以著其實

一都里不詳於疆域而載於賦役門之首以戶口之編查田賦之按派積儲之捐置團練保甲之分合皆於此繫焉

一倉儲穀數歷年既久前後迴殊案卷浩繁驟難清理仍按新頒額數注載各保義穀亦然

一祥異本宜另目因事少不足充卷附入風土

一縣境額設兵制原屬駐防即以駐防目之明其非專爲邑設也

一敘次秩官宦蹟皆斷自歸流始其以前土司土州崗長世系事蹟另爲一卷以附於後正名實也有明之時雖設有同知經歷巡檢等官而義取羈縻事權不屬土司舊志既未經載今亦無從詳其姓氏

一諸史所錄藝文皆係全部全卷今永邑之以著述名者其部集名目併載於人物門各小傳內惟一文一詩之散見而有資於邑之考證者錄入藝文實變例也

一古丈坪官貳於府而地籍於縣不錄則志有未全故另爲一帙以示別

○修志通例

統論古今地志之善否 凡十四則

○正名

一 大凡立說著書必名目軒豁俾閱者一目瞭然乃爲至當如修統志則書曰某朝修  
一 通志則書曰某省修府縣志則書曰某府某縣是已若地名時有變更則當啓館時  
一 卽從一朝制度立爲標題勿庸援引古名也嘗觀齊乘滇略閩書雍大記本爲山東  
一 雲南福建陝西之通志乃竟變易名稱有何意味然此乃莫大地名人咸知之猶屬  
一 可說至府縣之地歷代多有不同新舊紛更尙須自注矧他人乎有宋之時本無吳  
一 郡之名乃范成大志蘇州竟名曰吳郡亦無郟縣之名乃高似孫志嶧縣竟名曰郟  
一 錄南渡以後會稽已陞爲府矣修志者名曰紹興府志可也乃施宿猶題爲會稽嚴  
一 州亦陞爲府矣修志者名曰建德府志可也乃鄭瑤猶題爲嚴州如斯之類不一而

足豈輿地之美惡在名稱之古雅乎明王鰲嘗以所修姑蘇志示楊循吉循吉駁之曰府志修於我朝原當以蘇州名志姑蘇臺名也以此名志可乎其說洵至當矣然則陳耆卿之赤城志何鐘之括蒼彙記其命名之失不言可知夫赤城括蒼皆爲山名後因以名縣茲爲府志旣不應以一縣賅一府亦不應以一山括一府也有著作權者胡不深長思之

○審傳

史志之列傳昉於司馬遷厥後作史者皆奉爲不祧之祖雖或增減不同亦因時制宜耳志地理者亦莫不然或地屬都會如周淙乾道臨安志潛說友咸淳臨安志首紀宮闕曹司題曰行在所黃之雋江南通志乾隆諸臣熱河志首錄聖諭天章及御製詩文之類皆可法也若戴璟廣東初藁僅紀崖山之事題曰行次抑又拘矣地屬邊隅如郝玉麟廣東通志述海外諸國爲外番門張欽大同府志編極邊諸地爲烽墩門樂史太平寰宇記歐陽忞輿地廣記咸載燕雲十六州以期恢復非漫爲撫拾



也故傳有宜省併者如天文歸地理衡州府志是也僭國歸職官武陵縣志是也有宜析置者如戶口田賦非一類大清統志是也繪音天章爲二門盛京通志是也有宜移易者如唐之隴右次居第六而移置第十元和郡縣志是也有宜特設者如仿會稽四明兩志以志經籍山西通志是也他如武功之志官師並書善惡江西之志姦宄以示戒懲要皆爲立例之善也

○詳略

古今摘辭之士厥弊多端試以兩語括之曰太煩則冗太簡則畧如能各適其宜斯爲盡美盡善九域志之詳土貢新安志之詳物產嘉禾志之詳碑碣靈壽志之詳田賦長安志之詳坊市第宅皆所謂詳所當詳者江西志之志人物削京鎧與章鑑兩人新安志之志文獻剷秦檜殺胡舜陟一事集慶志漸除世表年表雲南志淘汰使命師命河間志不書怪誕災祥湖廣志不列禮樂祀事秦州志力主去僞存眞皆所謂略所當畧者若夫閩書既有扞圉志復有武軍志徽州府志既有沿革門復有郡

名門安慶府志既有職官表復有職官志永州府志既有郡邑紀復有郡邑表餘杭縣志既有山川門復有徑山志既有古蹟門復有洞霄志礪山縣志既有水土門復志風俗既有古蹟門復志八景嘉禾志分樓閣堂館亭宇爲三溫州志析郡良吏邑良吏爲二饒州之志輿地既別山水爲二又於古蹟中獨載石城山贛州之志鄉賢既分行業忠義孝友爲三又於樸實者別立質行門至於四明續志爲書十有二卷而所載者僅吳潛三年治鄞之政績若是者爲煩冗豈得謂之詳乎四川志不載守令嘉禾志不紀官師大同之志山川白登黃水均失攷全州之志建置湘源洮水並未詳仁和之志藝文碑刻文字全不錄定遠縣志屯田門僅四行惠政門僅三行景定嚴州續志瑞產門僅麥秀四歧一條鄉會門僅楊王主會一事若是者爲荒疏豈得謂之略乎

○倒置

經曰物有本末事有終始知所先後則近道矣然則欲近道者曷弗於本末先後加

之意乎戶口列於食貨則爲八閩通志山川附於寺觀則爲三山縣志古蹟歸於秩祀則爲饒州府志官制列於公署則爲三原縣志道學外於人物流寓入於政績則爲廣東初藁土官列於外紀仙釋入於列傳則爲廣西通志水利置人物後古蹟書雜記中則爲嘉定縣志先疆域而後建置者是定遠縣志之謬也先仙釋而後宦績者是開封府志之乖也若然者是爲倒置之弊

○粉飾

後來爲輿地記者往往妄事攬撫爲地方生色之計竊以爲過矣嘗試攷之吳邑志之經考史考安邱志之禮考樂考毘陵之志人物冠以帝王武功之志列女首載后妃江西志引劉秉忠爲鄉賢安邱志誇張說爲侯封岳雲爲忠州防禦乃遙授官也而四川通志竟列於名宦之內王恕爲江南巡撫乃封疆吏也而重修毘陵志竟錄其詔諭之辭順天之金門圖襄陽之聖蹟門建陽崇安之先賢畫像皆不應有而有者也其他夸耀土風侈陳山水妄譚分野謬言奇瑞者又比比然矣若然者是爲粉

飾之弊

○謬誤

援引事迹攷證名物或陳數說以辨之或加案語以核之折衷至當而後可否必則多謬誤之弊如衡州府志謂宋文帝時爲衡陽湘東王國豈知僅衡陽國爲衡州地乎餘杭縣志謂漢高帝時爲荆吳國豈知爲西部都尉治屬會稽郡乎大同府志謂後魏徙都平城豈知始爲始興後乃徙平城乎碭山縣志謂晉省歸夏邑豈知晉之下邑卽碭地乎且以下爲夏不尤謬乎至江南通志以灑山爲潛山河南通志以北蘭陵爲南蘭陵齊乘以華不注爲摩笄山以臺城爲在濟南東北遼無章宗而明一統志以爲其陵在三河宋復容城而容城縣志不知僑置於拒馬若斯之類地志中恆見之有難覩縷數者非謬誤之弊而何

○怪誕

至於名目怪誕又不知凡幾矣沿革改爲考易藝文改爲志賁者雍大記也論者有



鷗閣虬戶篠簪銑溪之譏豈曰不宜閩書之廿二門中如分野方域建置風俗等類咸與他志同若版籍扞圉前帝君長文莅武軍萑葦南產蓄德我私諸門其恢詭怪異如此赤城會通記其載人物則有鄉賢鄉僂載官吏則有有事實官無事實官有疵官諸目吳興備志不曰列女而曰笄幃不曰流寓而曰寓公至於巖壑書畫亦爲分門若斯之類非傷於煩冗卽失之瓌碎矯其弊者直欲將分門別類之迹一掃而空之如胡纘宗之安慶志汪來之北地記是也然胡之怪誕顧炎武恒睡之無俟煩言而已解至汪氏所紀之八十一人以后稷居首竟以己名爲之殿其自銜若此非怪誕而何

○書法

若夫書法可得而言之矣先達書官是爲新安志論者稱其得體職官書號是爲定遠志果何體乎浦江志略仿通鑑綱目之書法以名字爵諡爲褒貶豐潤縣志區別歷代帝王以行款高下爲予奪紫陽大義果如是乎且浦江志又仿尹氏例自爲發

明與安慶志仿綱目體灤志仿春秋公穀體大書細書自語自解者將母同安慶志於劉七事大書曰某年月日賊七來寇江境而分註於下曰姓劉氏灤志於世編條大書曰帝嚳氏建九州我冀分傳曰書帝嚳者何志始也其不經類如此夫一統之世區區方域之稱何我之有書法如此與隨志之稱我者同一弊矣貴州圖經新志所載題詞每詩各摘一句大書於上而以細字分書全詩於下此何例乎江都縣志於論贊皆書知縣趙曰四字茶陵州志於各目小序皆書張文毅公曰五字又何例乎直今後之讀者莫明其用意之何在矣

○好名

推原其故皆由於好名蓋言之一在於矜言法古一在於自炫厥長襄陽爲明之襄藩府志作襄世家蘇州本吳之國境姑蘇志作吳世家於例應爾至於邵武府志亦仿史記爲孔子作世家例竟爲李綱等作世家數篇謂之何哉仿綱目編年紀載專爲歷代一志是維揚志之陋也與真定府志大書以敘事分註以載言者前後一轍

且真定志又立諸侯王表帝系后妃各傳較之滁州志述天文山川等篇皆以編年紀事者其僭妄爲更甚吾故曰矜言法古之弊也存錄原敘者爲嘉興志補是不欲掩人善也外此重修續修者雖襲取前志成文而不註其由來俾前人心血終至淹沒若是者比比皆然蓋欲掩剽竊之名而自逞博洽之譽也師宗州志之詩古文辭散見於各卷各條下者多係管楡曰作殆成紀遊之集說者謂不免輿記之結習誠爲不誣閩書我私一篇爲何喬遠自敘其宗族雖仿史公自序之例而載之地志則爲舛見若斯之類以爲自炫厥長誰曰不然

○簡潔

明人武功志僅七篇大綱細目隳括無遺可謂簡矣朝邑志亦僅七篇分上下兩卷爲頁止二十有四誠哉古今地志之書未有簡潔得體能過斯二者雖朝邑續志似病其略欲以詳贍勝然未必如舊志之精特其敘述視允濫者亦差愈矣後人嘖嘖弗衰非以此二志爲有體要者之先聲乎不知實本於宋元宋人澉水志雖分一十

五門而爲頁止四十有四元人昌國州圖志止分敘州敘賦敘山敘水敘物敘官敘人敘祠爲八門其簡潔已在朝邑武功先特以歷世久遠傳頌者少耳厥後若寧波府簡要志觀其命名已可知其大概然終不免有疎略處非眞能一語可敵人千百也

○藝文

太平寰宇記收張祜金山詩是爲藝文入志之始厥後作地志者莫不有藝文一門秦州志不錄諛墓之文可謂有識矯之者至僅錄篇名而不錄辭章是寧波簡要志之類見也又有編爲外紀者是爲廣西通志稱爲小說者是爲桂陽州志竊謂藝文無關於風土則已果有關焉自應登入志乘而乃與寺觀等類歸外紀與雜識等類歸小說揆之志例未必相符然則藝文果何屬乎吳郡志散附各條下是古人已導先路也曷弗師之外此若天台縣志附藝文於卷後亦可法也此則修湖廣總志者所以有三楚文獻錄修湖南通志者所以有湖南文徵與



○歲月

統志通志卷帙浩繁成書不易故有數年歲事者有數十年告竣者未易殫言然有為期最促之作亦可得而徵之前清乾隆中敕各省修通志惟廣東先成凡歷十有一月前此康熙中畿輔通志數月而成雖未明言久暫似較促於廣東志矣其他如張鉉金陵新志六月而成羅濬四明志一百五十日而成朱夢得張維屏濟寧州志三月而成戴璟廣東通志初藁兩月而成期已促矣王文煥碭山縣志二旬而成則未免太促至高鶴定遠縣志其自序稱杜門三日而成庸有是理乎

○人數

地志果出一人之手前後之矛盾必少若由於奉敕監修諸志則非一人矣是故有一人撰一人參修者如黃佐林富之廣西通志也有一人撰一人續者如謝杰沈應文之順天府志張宏代胡來聘之天台縣志也有本二人同撰而止書一人者如戴震亨之海鹽縣圖經而姚士舜之名見於序中也有二人同撰者如林庭楫周廣之

江西通志鄭瑤方仁榮之嚴州續志也有一人前後司其事者如朱昱之毘陵縣志也有修此縣志而兼及他縣者如顏木隨志並錄應山也有二人同撰而一人總其成者如曾肇李德芻及王存之九域志也有三人同撰者如郭棐王學曾顏昌祚之廣東通志魏樸如游樸童良之四川總志也搦筭者不出一手恆多牴牾之弊至如嚴州府志或稱主修或稱同修或稱纂修或稱續修或稱彙集令人莫得作者之名是真不足直一噓也若夫一家三人前後爲一縣知縣並修縣志者如張朝瑞知河南登封撰縣志閱三十年其姪壘又爲登封知縣續修之又閱十餘年朝瑞子聖誥亦知登封復加纂輯似與司馬氏之史記班氏之漢書同爲家學淵源矣

○作者

夫修統志者多係詞臣之奉敕修通志者亦屬長官之監臨其時人材薈萃書籍紛陳故攷證必詳體例應當若一郡一縣之中人文寥落或值修統志通志時徵求志乘爲郡縣吏者如係文人其書尙或可採倘目不識丁亦欲潦草以塞責其書豈可

觀乎竊謂非其人固不足以修志卽爲文人偶蒞其地未必能將某郡縣之古今事實瞭如指掌且或稍通古今又未必能擅三長然則何如而後可余以爲必擇本郡縣之留心掌故者用爲纂述當稍愈也或謂武功朝邑二志膾炙人口果因康海爲武功人韓邦靖爲朝邑人與是又不然夫二志之獲盛名以敘述簡括故非取其爲本縣人也他如黃璿爲建陽人則著建陽志胡松爲滁州人則著滁州志趙時春爲平涼人則著平涼府通志沈朝宣爲仁和人則著仁和縣志馬文煒王訓均安邱人也文煒著縣志于先訓著縣志于後郭洞陸君弼均江都人也洞著縣志爲創君弼著縣志爲因至如河間之樊深豐潤之石邦政信陽之劉尙朴秦州之劉萬春溫州之王光蘊咸著其府若縣之志雖其體例敘次未必盡善而考古證今必賢於府縣官遠矣

民國十年辭修縣志意見書

附

近日湖南通志館徵求全省七十六縣縣志藉爲修通志藍本我永順自當奉命虔

陳也第永順縣志成於前清同治末年迄今多歷年所凡朝代之變更地輿之割裂學校之舊新有異職官之增減不同以及一切典章罔不日新月異自非再事纂輯不足以昭實在而備參稽嚮者民國四年知事車賡有志斯舉旋因兵變中止識者常爲之扼腕歲月如流又復數易寒暑矣忍聽其湮沒無傳乎雖今日大難甫平凶年初度元氣未復似可緩圖豈知縣志之纂輯小足備一方掌故大足副國史要刪誠當今急務也况老成尙未凋謝乎知事曹公稔知如此特聘閩縣高明諸先生分擔鉅任卽譎陋如孔修亦得廁名於中夫以各先生之才學識固足勝任而愉快若孔修則不敢濫竽焉何則嘗謂我永順縣志經知縣李公瑾勗修以來其間若王公伯麟黃公德基唐公賡各有纂述外此又有知府張公天如永順府志魏公式曾續編均足以資考證不致來鑿空之譏然渠皆流官僉謂永順僻處南荒自五季彭氏襲爵後無籍可徵故其書咸詳於改土以後而略於未改土之前庸詎知我縣在漢唐時統屬內地史傳中彰彰可考嗣後若宋元明以及清初雖隸彭氏版圖然皆受



中朝羈縻與割據土宇竊號自娛者有間况其事功赫赫昭人耳目不似雲南之潞江南甸貴州之農里中林四川之石砭建忠兩廣之古零下旺及附近之容美散毛保靖桑植諸土司碌碌無聞也前志所載如漢晉蠻夷諸事誠不足據爲典要其確係我縣事者不過宋史西南溪峒諸蠻傳明史湖廣土司永順宣慰司傳而已且又呆寫成文不能化朽腐爲神奇讀史者惜之今試言其崖略如彭士愁一人也舊五代史十國春秋本作士愁而通鑑楚紀作彥晞新五代史文獻通考作士然續通志作自然湖南通志又謂有作士愨士愨者李弘臯一人也十國春秋本作李弘臯而五代史補三楚新錄方輿勝覽張氏府志均無弘字但作李臯王黃各縣志又作李宏臯此紀名之不同者也彭士羲之僭號補官也宋史溪峒諸蠻傳固詳載矣而仁宗神宗兩紀徐的郭達魏瓘李肅之雷簡夫竇舜卿彭思永諸傳亦載之魯萬丑之逞兵作亂也元史劉國傑傳固詳載矣而伊喇元臣傳及辰州府志苗防備覽亦載之彭明輔父子之奉調征倭也明史湖廣土司傳固詳載矣而張經任環俞大猷諸

傳亦載之此紀事之不同者也至選舉學校土司時無之自應以歸流後爲權輿然如司宗圖所載聘樊子珍聘張天佑建若雲書院明史藁所載詔土官應襲子弟悉令入學辰州府志所載彭明輔爲辰州學生諸事雖或寥寥亦當探厥本原若李志未志藝文姑置無論卽王黃二志古文中僅銅柱記一篇唐志亦祇益祭土兵文一篇蓋謂有明以前之文字不過此耳豈知賜彭允宗彭儒武兩勅書見於蘇東坡集勦倭夷平廣西諸諭見於司宗圖擔承苗疆議見於苗防備覽調土兵利害疏見於中樞奏議皆班班可考乎諸如此類難更僕數謂宜嚴加考覈極力搜羅折衷羣言斯爲盡善如本有其事而仍事闕如未免鄰於鄙如本無其事而妄事攬撫如魏志張佶傳唐志躅塵傳之類又未免近於誣二者皆非也至編修條例尙俟省垣頒發勿庸預定然時事不同疆索各異有彼有此無者有甲盛乙衰者有前盈後絀者有今狹古廣者因地制宜隨時更變例緣義起大概可知矣竊擬引書必注來由如歷城縣志邵陽風土志之類則信而有徵編年必書正統如嶺海輿圖湖廣總志之類

則義歸於正災祥雖天文變故要皆爲方輿徵驗應如衡州府志凡風雹水旱併歸地理土司雖世傳郡印要皆受歷朝勅命應如武陵縣志凡雷馬劉周統入職官外此尙有多端不能備載果能考證精當庶可應通志館之徵求孔修夙有斯志當誦讀時見有事關我永者不憚鈔錄之煩積久成帙頗爲永順稽古錄嘗與其他各彙本攜至星沙冀付鉛石詎民國七年橫遭兵燹悉成灰燼而家中向無副本並鈔藏書又苦不能記憶顧安能出而應命乎况自光宣以後反正以來之事蹟亦多散佚無存孔修伏處蓬廬未嘗辦一公務任一末職諒不能懸揣而知也敢爲縣長及闔縣各先生敬陳之

永順縣志卷三十六

縣人 文 琴 張 孔 修 編 纂

雜志二

○○雜事

明正德間永順彭明輔以辰州學生嗣官慰從征十餘次以禮法自守諸洞翕然嚮慕

辰州

志府

案明史彙保靖宣慰司傳弘治十年詔土官應襲子弟悉令入學漸染風化不入學者不准承襲故永順司亦嘗從學云

明末清兵破武岡及寶慶常德辰沅大學士堵允錫走永順司尋去

明史堵允錫傳

土人有罪小則知州長官等治之大則土司自治若客戶有犯則付經歷以經歷為客官

也 府志 雜記

永順司隸辰州凡文書俱移會經歷土司自稱本爵土民稱之曰爵爺其土民分屬各族



生男女輒報名書於册長則當差賦斂無名刑殺任意抄沒鬻賣聽其所為每出則儀衛

頗盛土民見之皆夾道而伏俗言土司殺人請旨親死不丁憂故畏之前同

原日土官衙署綺柱雕梁磚瓦鱗次百姓則又木架屋編竹為牆舍把頭目許豎梁柱周

以板壁皆不准蓋瓦違者即治僭越之罪俗云只許買馬不許蓋瓦前同

深林密箐原日皆土官圍場一草一木不許輕取每冬行獵謂之趕場先令舍把頭目等

視虎所居率數十百人用大網環之旋剷其草以犬驚獸獸奔則鳥銃標鎗立斃之無

一脫者前同

峯尖嶺畔准其墾種平原處榛棘蔓塞不許開墾土司之法所以守險而戒敵也前同

土司惡習凡舍把准理民間詞訟無論戶婚田土以及命盜各案未審之先不分曲直祇

以賄賂為勝負迨既審後勝者必索謝恩禮負者亦有贖罪錢甚有家貧無力出辦者

即籍沒其家產折賣其人口府志 檄示

土司向日凡畜養蜂蜜之家每戶每年徵收蜂蜜黃蠟若干令家政經理迨日久弊生每

有無蜂之家因其曾經畜養俱令買備供給

前同

土司舊例凡委官舍把到任之始所屬地方頭目派送禮物名曰賀禮雖至貧之家必勉

力供應且有不肖頭人指一派十希圖入己

前同

土司舊例凡所管舍把俱稱為父母官新委到任即受賀禮

前同

土司舊例凡外縣窮民來至土司地方挖山種地該管舍把每年勒送鹽米並四時節禮

方許耕種

前同

土司舊例每年每戶派送食米並雞鴨肉肘自土官家政總理以及該管舍把四處斷不

可缺雖無力窮民亦必拮据以供

前同

土司舊例每逢年節凡商賈客人俱須餽送土官家政舍把總理等禮物名曰節禮倘有

不週非強取其貨物即抄掠其資本

前同

土司舊例每用人夫即令各舍把照戶攤派並無夫價名曰當差

前同

舊司城祖師殿神像係銅鑄成手執七星劍重九觔光芒射目有盜劍去者行數里風雷

交作盜懼負劒還廟謝神風雷始息

唐志雜識

城南河中或言橫臥大柵木每值水漲陡高十餘丈防害居民昔有守令登城放礮始消

前同

楊公祠在城西五里乾隆中建日久頽墜光緒十七年都司余灝嘗拜香畢頭暈伏案夢一人延與語甚懽洽醒而四顧若舊遊然其住持僧拱手而前曰公其站像魯公後身也前夕夢神像如公今伏案狀故知之灝有感爲之重修工未竣去任劉耀宗接篆爲之落成攷楊公名有鳳乾隆中征金川陣亡其殉難二弁一名魯必富一名劉耀宗今余旣爲魯則劉之爲劉也可知况姓名相符乎吁奇矣

民國丙辰有神降於勺哈出諭勸人中有當此浩劫處處流行塗炭之苦玉石俱焚其時北兵構難於洪江僉謂必不至此未幾羅田陷城民遭陷溺

託家湖田啓發不孝其下堂母貧向之索食不與次日同數人登山耕種日方中天晴無雲忽被雷震死官倉坪張民庭年十四嘗避雨寶塔中亦被雷殛人亦謂其不孝也近

世咸謂觸電所致何以死者均無善人此理殊不可解

丁大富對山寨人貧而孝一日耕於山忽得鯉魚一尾約重觔餘攜歸奉母母喜曰兒貧自今止富自今始矣自是不十年大富果大富焉人以爲孝行所致但莫能測其理由吁異哉

萬笏山陳家寨天堰後一洞有時聲響如雷便出渾水中多怪物時或出現其形若鱗身大數十圍橫攔兩岸不常見見者多死又有母猪或水牛登岸嚙草見亦不利旱久車水毒魚卽雨

顆砂松雲潭上絕壁石隙中暴出大水下有碾房一棟承水碾米時而涸涓滴悉無然一日一出不誤晷刻

靈溪河有龍潭者內伏巨石天旱里人掘潭口令水落石出天卽大雨

長溪文昌閣建自清乾隆中閣側有古木一株名天杉每逢院試前年葉落若枯木繼發新葉茂盛如初主其地有遊泮者里人呼爲發秀樹



老司城觀音閣前有檀木一株大數圍高數十丈每逢清醮之期必落一二枝以供神焚之香沁心脾殆千年古木也清同治中重修圓明園委員採辦號爲皇木未及伐而穆宗崩事遂寢

向嘉連碩樂坪人孩提時與其姊游戲門外忽狂飆陡起飛砂走石白晝晦暝風息天霽嘉連忽失所在其姊覓之不得歸告其父母其父母號泣遍求茫茫不見遂延巫師至家求玆於神酣歌至夜半無可如何迺謬謂其父曰我登門一呼如有應者汝等可審其聲從何來從此尋之必得汝子移時巫師登門大呼東南方似有應諾聲束蘊覓之至一山懸崖絕壁名大巖堡嘉連果在焉問之則曰一白鬚翁抱我來也其事頗怪殆所謂神仙遊戲與

姚四瘋子民國壬戌偕堂弟某赴溪河借粟回遇匪於風包岳是地懸崖百丈犇逃無路匪遂殺其弟而奪其粟有侮四瘋子者謂汝羸瘠面癩鎗斃之恐不值吾彈刀殺之適足污吾手俾墜崖死人謂汝飛陞寧非快事因用葛藤繫其手足扛至崖際以刀柄抵

擲下四瘋子神昏目眊渺不知身在何處忽擱置瞋目視之則在半崖樹枝間漫脫手足縛似未大失效力視峭壁中有齟齬處扳援行復失足墜觸古木木根翻抱榦隨下又擱置樹枝間徐下日暮不能行見有茅舍趨臥之詰朝飢疲甚時有刈草人來示以歸路卒得生還

上榔保鐵沙帖上下懸崖中有一井每逢大旱執長杆一刮水卽流出隨刮隨流層出不窮相傳爲刮井云

上榔膏梁坪楊樹茶園鄉楓樹塔臥市墳坪楓樹樂洞柯砂湖柳樹其精靈均幻作醫生爲人治病恆愈

那坵向文化一日見野貓入洞擬捕之隨入未數武卽死鄰人向成功將收其屍入洞未至死所亦死塔臥利家湖田箴匠家掘一薯洞一日其家人入洞久而未出從洞口視之見已僵臥死再下一人又死箴匠擬并拽出之入洞亦僵臥不動餘人乃掘開洞門始將三尸拽出箴匠後入尙有奄奄餘息移時始蘇箴匠藝最工自此失其知覺雖飢



書 禹 貢 夏 大 禹 一 十二上 二

禹 貢 註 宋 蔡 沈 五 八上 六

詩 小 序 周 卜子夏 二十 一上 十二

詩 訓 詁 周 毛 亨 二十五下 十二

禮 記 漢 檀 弓 八 一上 七

周 禮 周 周 公 二 十四下 三

檀 弓 疏 漢 鄭 玄 二十 三上 八

月 令 章 句 漢 蔡 邕 二 十四下 五

左 傳 周 左 邱 明 卅二十 十七下 七

春秋元命苞 魏 宋 均 二 十五上 六

爾 雅 周 周 公 八 一上 十

五 經 異 義 漢 許 慎 六 十五下 十一



石 經 漢 蔡邕 二十三下三

帝王世紀 晉 皇甫謐 二十四下八

史記 漢 司馬遷 十二上三

史記正義 唐 張守節 十四下五

史記索隱 唐 司馬貞 二十下二

漢書 後漢 班固 十二上二

漢書 後漢 應劭 七一下二

續漢書 晉 司馬彪 十二上十二

後漢書 吳 謝承 三十三下二

後漢書 宋 范曄 一十八上四

後漢紀 晉 袁宏 三十三下十一

後漢書注 唐 章懷太子 三十三下五

蜀	吳	晉	宋	齊	梁	陳	隋	魏	北齊	南	北
志	志	書	書	書	書	書	書	書	書	史	史
晉	晉	唐	梁	陳	唐	唐	唐	北齊	唐	唐	唐
陳壽	陳壽	太宗	沈約	蕭子顯	姚思廉	姚思廉	魏徵	魏收	李百藥	李延壽	李延壽
三十三	一	一	一	一	八	一	一	十	八	六	十
十一上	十三上	十三上	十三上	十三上	一下	十三上	十三上	廿二上	一下	十八下	廿二上
四	一	三	三	三	三	八	五	九	四	十	十

水頁系志 卷三十一 六 雜志 探輯書目表 六 一



綱目 宋 朱子 一 十三下 三

續資治通鑑綱目 明 商輅 七 二下 二

西史 十 廿二下 五

日本史 中村正直 二十四 十二下 十二

元和郡縣志 唐 李吉甫 一 一上 九

元豐九域志 宋 王存 一 十八上 十一

九國志 宋 路振 二十七 一上 十二

補梁疆域志 清 洪麟孫 一 十三上 四

唐代州郡攷 清 蔡梅 一 十三下 四

歷代沿邊險要攷 清 蔡梅 廿四 九下 十

太平寰宇記 宋 樂史 卅三 十下 四

方輿勝覽 宋 祝穆 卅三 十二上 十二



廣輿記明曹學銓二十一上八

輿地廣記宋歐陽忞卅五十二上八

讀史方輿紀要清顧祖禹七一下一

明一統志明李賢二十一上六

清一統志清徐乾學一十二下五

乾隆府廳州縣志清洪亮吉一十二上十

楚紀明廖道南一十七下五

三楚新錄宋周羽翀卅三十一上七

湖廣總志明徐學謨卅五十二下十一

湖廣通志清邁柱二十二下一

乾隆湖南通志清陳宏謀二十二上十一

嘉慶湖南通志清巴哈布十六九上六

光緒湖南通志

清

曾國荃

一

十二下

五

湖南掌故備考

清

無名氏

王先謙  
有序

十

九上

七

畿輔通志

清

于成龍  
格爾古德

卅五

十六下

四

齊

乘元

于欽

卅五

十一下

七

山東通志

清

杜詔

二十

八上

十一

山西通志

清

儲大文

卅五

十二上

十二

雍大記

明

何景明

卅五

十二下

七

滇略

明

謝肇淛

卅五

十二下

七

雲南通志

清

靖道謨

卅五

十二下

十

貴州圖經新志

明

趙讚

卅五

十五上

四

閩書

明

何喬遠

卅五

十一下

七

八閩通志

明

黃仲昭

卅五

十三下

一

嶺海輿圖明姚虞 卅五 十九上 十二

廣東初藁明戴璟 卅五 十二上 十

廣東通志明郭棻王學曾 顏昌祚 卅五 十七上 三

廣東通志清郝玉麟 卅五 十二上 十一

廣西通志明黃佐 林富 卅五 十三下 三

廣西通志明周林庭 廣 卅五 十二下 四

江西通志清謝旻 卅五 十二下 九

江南通志清黃之雋 卅五 十二上 九

四川總志明魏樸如游樸 童良 卅五 十三上 六

四川通志清黃廷桂 一 十二下 八

盛京通志清乾隆諸臣 卅五 十二下 二

熱河志清乾隆諸臣 卅五 十二上 九

乾道臨安志 宋 周 濬 三十五 十二上 八

咸淳臨安志 宋 潛說友 二十七下 十一

建康志 宋 周應合 二十一 二

長安志 宋 宋敏求 卅五 十二下 九

北地記 明 汪來 卅五 十四下 六

吳郡志 宋 范成大 卅五 十一下 十

集慶續志 元 戚光 卅五 十二下 十

金陵新志 元 張鉉 卅五 十六下 五

永順宣慰司志 明 彭世麒 一 十七上 十

永順府志 清 張天如 一 十二下 三

永順府志續五編 清 魏式曾 二 十一下 九

辰州府志 清 侯加地 一 十二上 九



辰州府志清 畢本恕 卅四 一上 九

常德府志清 賀奇 二 十七上 九

武陵舊事明 陳國寶 二 十七下 十一

武陵郡地考清 鄒漢勳 七 一下 四

沅州府志清 張官五 十五 四上 一

長沙府志清 胡愉 卅二 九下 六

寶慶府志清 黃宅中 十四 七下 十

永州府志明 史朝富 陳良珍 卅五 十三上 一

衡州府志明 伍讓 卅五 十二下 一

宜昌府志清 齊祖望 卅二 十三下 十一

太平府志清 八 一下 一

同州府志清 十七 九上 六

河間府志	安慶府志	大同府志	邵武府志	襄陽府志	真定府志	順蘇府志	贛州府志	饒州府志	徽州府志	溫州府志	潯州府志
明	明	明	明	明	明	明	明	明	明	明	清
樊深	胡瓚宗	張欽	陳讓	吳公	雷禮	謝詔 <small>謝應杰</small>	謝詔	陳大綬	汪舜民	王光蘊	龔大萬
卅五	卅五	卅五	卅五	卅五	卅五	卅五	卅五	卅五	卅五	卅五	卅八
十二下	十三上	十二上	十五上	十三下	十五上	十三下	十三上	十三上	十二上	十三上	四上
十一	一	十一	十	十一	十二	十一	四	四	十二	三	十二

開封府志明 曹金 卅五 十三下 五

平涼府通志明 趙時春 卅五 十七下 六

寧波府簡要志明 黃潤玉 卅五 十六上 三

泰安郡志 卅 三下 十一

姑蘇志 王鰲 卅五 十二上 一

會稽志 施宿 卅五 十二下 十一

新安志 羅願 卅五 十二下 八

赤城志 陳耆卿 卅五 十二上 三

赤城會通記 王啓 卅五 十四下 三

括蒼彙記 何鏜 卅五 十二上 三

嚴州府志 萬曆時編 卅五 十七上 五

景定嚴州續志 宋 卅五 十三上 九

鄭仁瑤

鳳凰廳志清侯晟十六一上十二

永綏廳志清楊瑞珍十六三下九

古丈廳志清董鴻勳六十八下六

南雍州記晉王韶八一上十一

廣州記晉顧微卅三十一上十一

欽州志四七上八

澧州志清孫泰祚十五四上十二

澧州志林清何麟七三上十二

茶陵州志清瑞徵十三七下一

桂陽州志清王闔運廿十八  
廿四  
九下  
二下  
一八

濟寧州志明張朱夢得  
張維屏  
卅五十六下五

師宗州志清管翕卅五十五下四



信陽州志明 劉尚樸 卅五 十七下 八

泰州志明 劉萬春 卅五 十二下 十一

全州志明 謝少南 卅五 十三上 七

滁州志明 胡松 卅五 十五下 一

維揚志明 盛儀 卅五 十五上 十二

灤志明 陳士元 卅五 十五上 一

隨志明 顏木 卅五 十五上 四

昌國州圖志元 郭馮復京薦 卅五 十六上 一

永順縣志清 李瑾 一 十五下 一

再編永順縣志清 王伯麟 一 十七下 八

三編永順縣志清 黃德基 一 十七下 八

四編永順縣志清 唐廣 十一 十五下 五六

附古丈坪廟輯略

永順圖說 清 無名氏 二 十一下 五

永順風土誌 民國 劉正學 二 十五下 十一

長沙縣志 清 趙文在 卅五 四上 六七

桑植縣志 清 鍾人文 一 十六上 十

沅陵縣志 清 張佳晟 五 八上 七

武陵縣志 清 陳啓邁 二 十七上 七

永定縣志 清 莊以寬 七 二下 十一

石門縣志 清 林葆元 七 三上 六

慈利縣志 清 魏湘 十五 四上 十二

芷江縣志 清 黃凱 十五 三下 十

溆浦縣志 清 楊鴻觀 十八 三下 二

湘陰縣志 清 甘慶增 十八 一上 十二

新化縣志清 關培鈞 卅五 二下 八

峨嵋縣志清 曹熙衡 六 十五下 三

武進縣志清 十六 二下 九

新建縣志清 杜友棠 十六 五下 二

靈壽志清 陸隴其清獻 九八 四十九上 八四

邵陽鄉土志清 姚炳奎 卅五 十九上 十二

餘杭縣志明 戴日強 卅五 十三上 一二

定遠縣志明 高鶴 卅五 十三上 八

三原縣志明 朱昱 卅五 十三下 二

安邱縣志明 馬文煒 卅五 十三下 八

續安邱志清 王訓 卅五 十七下 七

嘉定縣志明 韓浚 卅五 十三上 四

仁和縣志明沈朝宣卅五十三上八

江都縣志明葛洞卅五十七下七

江都縣志明陸君弼卅五十五上五

建陽縣志明黃璿卅五十三下十一

崇安縣志明李讓卅五十三下十一

豐潤縣志明石邦政卅五十四下十一

容城縣志明蔣如萃卅五十四上九

天台縣志明張宏代  
胡來聘卅五十六上十一

碭山縣志明劉芳卅五十三上二

碭山縣志明文文煥卅五十六下二

浦江志略明毛鳳韶卅五十四下十一

嘉興志補明明鄒衡卅五十五下二



吳興備志明 董斯張 卅五 十四下 四

嘉禾志明 徐碩 卅五 十二下 八

武功志明 康海 卅五 十二下 四

朝邑志明 韓邦靖 卅五 十五下 九

續朝邑志明 王學謨 十七 九上 六

吳邑志明 楊循吉 卅五 十三下 七

毘陵志明 王璵 卅五 十三下 八

重修毘陵志明 朱昱 卅五 十三下 十

歷城縣志清 周書昌 李南澗 卅五 十九上 十二

登封縣志清 張朝瑞 卅五 十七上 六

續增登封縣志清 張堯 卅五 十七上 七

重修登封縣志清 張聖誥 卅五 十七上 八

四明志 宋 羅澹 卅五 十六下 五

四明續志 宋 劉梅應錫發 卅五 十三上 五

三山志 宋 梁克家 卅五 十三下 一

鄴錄 宋 高似孫 卅五 十一下 十

海鹽縣圖經 明 姚胡士震彝亨 卅五 十六下 十二

五溪地理圖 宋 向通漢 一 一上 十

新區域圖 民國 童世亨 一 十六下 十二

亞新地學社 民國 武昌 三 二上 八

名山記 明 都穆 卅三 八上 七

嶺表錄異 唐 劉恂 卅三 十下 二

池北偶談 清 王世禎 廿七 二上 五

燕都游志 清 孫國枚 八 二上 一



湖南襄忠錄 清 羅汝懷 十九 六上 十二

明世法錄 明 陳仁錫 廿四 二下 六

大明會典 明 李東陽 八 一下 八

大清會典 清 乾隆諸臣 八 七下 四

聖諭廣訓 清 世宗 六 十二上 四

賦役全書 清 乾隆諸臣 十二 九下 九

中樞奏議 清 楊嗣昌 廿四 十四下 一

朝貢諸國記 清 蔡梅 卅三 十上 十一

太平御覽 宋 李昉 廿 五下 十二

太平廣記 宋 李昉 六 十五上 五

太平治迹統類 宋 彭百川 卅三 八上 五

通志 氏族略 宋 鄭樵 十二 十上 五



續通志 清 乾隆諸臣 卅三 十一下 五

通典 唐 杜佑 一三 十二下 三

文獻通考 元 馬端臨 十五 一上 十一

續文獻通考 明 王圻 十三<sup>十</sup> 八<sup>廿二</sup>上 十一<sup>十</sup>

五禮通考 清 奏蕙田 廿三 廿下 六

事類統編 清 黃葆真 三 三下 十

闕里志 明 孔允植 廿二 八上 十一

禮殿圖 漢 文翁 廿三 三下 十二

孔門弟子考 清 朱彝尊 廿八 八下 十一

聖門里樂錄 清 張行言 廿一 一下 一

成都先賢贊 宋 宋景先 廿四 四上 四

古本家語 漢 鄭玄 廿四 四上 十一

今本家語	魏	王肅	廿	三上	八
顏氏家訓	北齊	顏之推	廿	五下	一
氏族大全	元	無名氏	廿	八上	九
永順司宗譜	清	彭聲振	二	十二下	二
保靖司家乘	清	彭御梅	一	十六上	七
南渭州譜	清	張漢傑	十五	十二下	十二
宋氏家乘	清	宋氏後裔	廿九	七下	二
塗氏家譜	清	塗大熙	十八	一上	九
風俗通	漢	應劭	廿	九上	三
風土記	晉	周處	六	十五下	二
歲時書	漢	東方朔	二	十七上	五
荆楚歲時記	晉	宗懔	六	十四下	十

四民月全漢 崔寔 六 十四下 十一

月令占候圖 二 十七下 二

說文漢 許慎 廿 五上 六

玉海宋 王應麟 二 十五上 十一

廣韻注清 朱彝尊 廿 五上 八

困學紀聞宋 王應麟 六 十五上 八

日知錄明 顧炎武 廿 十九下 八

丹鉛錄明 楊慎 廿 四上 四

消夏錄明 陳繼儒 十 廿二上 十二

三楚文獻錄明 徐學謨 卅五 十六上 十二

湖南文徵清 羅汝懷 卅五 十六上 十二

十駕齋養新錄清 錢大昕 卅三 十三下 四

冬夜牋記 清 王崇簡 八 一上 七

三長物齋說 清 黃本驥 十一 十九上 四

外制集 宋 蘇東坡 十一 十八上 七十二

忠肅集 宋 劉摯 十五 五下 五

王文成全書 明 王守仁 廿 十下 六

白沙集 明 陳獻章 六 一下 七

讓溪甲乙集 明 游震得 廿四 十三上 二

曝書亭集 清 朱彝尊 卅三 十六上 三

演繁露 宋 程大昌 卅三 八上 四

銅柱記 後晉 李弘皋 七 二上 十

本草集解 清 陳念祖 十一 十上 四

常德商會報告書 民國 商務會 十一 廿下 二



天下輿地碑記 宋 王象之 卅三 八上 二

授堂金石跋 清 武億 卅三 八上 十

金石錄 清 趙明誠 卅三 十一下 二

金石續錄 清 劉青藜 卅三 十二下 六

金石文編 清 瞿中溶古泉山館 卅三 十四下 八

金石萃編 清 王昶 卅三 三下 八

金石備考 清 來溶 卅三 十一上 六

三統曆 漢 公孫青 二 十四下 九

景初曆 三國 楊偉 二 十四下 九

大衍曆 唐 僧一行 二 十四下 九

崇禎曆 明 徐光啓 二 十四下 十

嘉慶曆 清 諸臣撰 二 十四下 十一

星經明 失名與漢甘石書卷數同 二 十五上 九

星次分野明 章世純 二 十五上 十一

登壇必究明 王鳴鶴 二 十五上 五

天文秘訣明 于大吉 二 十五上 十一

道德經周 老聃 六 十八下 十一

莊子周 莊周 卅一 十二下 一

韓非子周 韓非 廿 七下 七

呂覽秦 呂不韋 廿 七下 二

淮南子漢 劉安 廿 七下 七

搜神記晉 干寶 六 十四下 十一

洞天記唐 杜光庭 卅四 四下 十一

續齊諧記梁 吳筠 六 十五下 五



四十二章經

漢

梵王

蔡愔傳來

八

五上二

觀音三昧經

漢

月氏

伊存

八

三上十

戒律

北魏

曇柯迦羅

八

五上六

香山寶卷

八

二下十二

法苑珠林

唐

釋道世

八

三上八

以上三百四十三部係本志採錄者

易說

宋

游酢

廿

十上四

易說

清

易光焯

十八

五下七

周易啓蒙

宋

何基

廿

十上一

易經理解

明

蔡清

廿

十下四

尚書大傳

宋

何基

廿

十上一

二南義

宋

游酢

廿

七上二



詩書叢說 元 許謙 廿 七上二

禮記集說 元 陳澹 廿 十上八

論語解 宋 尹焞 廿 九下六

論語說 宋 謝良佐 廿 六下四

孟子章句 漢 趙岐 廿 六上七

論孟集注 元 金履祥 廿 十上六

語孟新解 宋 游酢 廿 十上四

大學章句疏義 元 金履祥 廿 十上六

中庸義 宋 游酢 廿 十上四

學庸解釋 宋 何基 廿 十上一

四書蒙引 明 蔡清 廿 十下四

四書集義精要 元 劉因 廿 六上七

經書衍義 宋 王柏 廿 六下 十二

廿一史纂 清 田舜年 卅二 十四上 一

廿一史補遺 清 同前

通鑑前編 元 金履祥 卅二 十八上 十

綱目續麟 明 張自動 卅二 十八上 十

宅京記 明 顧炎武 廿 七上 八

肇邑志 明 同前

郡國利病書 明 同前

明倫堂論 清 雍正時頒發 廿 十七下 四

樂器圖冊 清 同前

佾舞圖譜 清 同前 廿 六下 二

大學成式 清 乾隆時頒發 廿 三八下 八

大...系... 卷三十一 六 雜志 探輯書目表 二十一

武舞圖式清宣統時頒發廿十八下二

延平問答宋李侗廿六下七

絜齋家塾書鈔宋袁燮廿六下五

傳道圖元趙復廿七上一

伊洛圖元同前

希賢錄元同前

月川圖元曹端廿十上九

靜修集元劉因廿十上七

榕壇問答明黃道周廿七上九

楊園全書明張履祥廿十下二

明夷待訪錄明黃宗羲廿十下五

黃書明王夫之廿十下六

居 門業志錄 明 胡居仁 廿 七上 五

困 知集 明 羅欽順 廿 七上 十

涇野詩文集 明 呂 枬 廿 七上 七

明古儒精學六案 清 黃宗羲 廿 七上 六

道山真統錄 清 張伯行 廿 十四下 九

洛 學一編 清 湯 斌 廿 七上 十一

文 鈔 清 陸世儀 廿 七上 十二

金 壇二吟 清 田 元 卅二 十三下 十二

意 筆詩刻 清 同 前

思貽堂文集 清 黃文琛 十六 六上 三

以上五十二部係志中詳書名者

續 法戒錄 清 姚啓昆 廿八 五下 四



四言 女訓 清 蕭愷善 廿八 十五下 七

以上二部詳志中本人傳曾經梓行者

三傳異同考 清 黃祥雲 廿八 十三上 五

詩賦文集 清 同前

篤慶堂古文辭三卷 清 彭勇行 廿八 十四下 十一

古近體詩二卷 清 同前

駢體文一卷 清 同前

味爛山房駢體文二卷 清 彭施鐸 廿八 十四下 十二

近古體詩十六卷 清 同前

愛日山房詩集 清 楊立程 廿九 十六上 七

傷寒補注 清 張官曙 廿九 十七上 五

醫門法律 清 同前

竹

譜

清

周正南

廿九

十七上

九

志

意

錄

清

康節婦

卅

四下

十

以上十二部詳志中本人傳均係家藏者



第八册

正

正

兼

惹

惟

志

未

從

頁

蘇州

誤

卷

頁

行

字

字

字

字

字

字

表

誤

兼

准

顛

末

後

貢

五

順蘇

卷

卅三

卅三

卅三

卅三

卅三

卅五

卅六

卅六

行

三

六

六

二

八

七

十

十一

字

廿二

四

十四

八

十二

一

十一

六

小

字

二

一

二

一

一

一

一

明

不

一

一

一

一

一

一

一

一

二

一

一

一

一

一

一

一

頁系

第八册

正誤表



廳 廁 卅六 十一下 十二 五

崇 崇 卅六 十七上 十一 七

頁 補錄一字 卅六 四下 十 十一

孺 孺 十五 十八上 七 九

未 未 卅三 十上 八 十二

志 頭 卅三 十二上 二 八

計 鄧 卅三 十一上 六 十四

濂 卅三 十一平 六 四

燕 兼 卅三 四上 三 廿二

五 類 卷 頁 卅三 卅三 卅三

五 類 卷 頁 卅三 卅三 卅三

類八卅

全部八册定價大洋肆圓捌角

去